

大清宣統政紀卷三十八

宣統三年辛亥秋七月丙寅朔時享

太廟遣載功恭代行禮 諭內閣電寄直隸總督陳夔龍據電奏假

期屆滿病仍未痊懇再賞假等語陳夔龍著再賞假一箇月安

心調理病痊隨時銷假寄電 又諭電寄閩浙總督松壽據電奏

閩省禁煙先籌禁運鄰土情形等語著外務部知道寄電 丁卯

諭內閣張人駿程德全電奏革道蔡乃煌擅自離滬請飭通緝

等語蔡乃煌虧款甚鉅未經完結私自逃匿殊屬膽玩著民政

部步軍統領衙門順天府各省督撫一體嚴緝務獲解交張人

駿等嚴行監追認真究辦寄電 又諭電寄兩江總督張人駿等

據電奏江水陡漲濱江沙洲圩隄半遭沖決據各屬稟報灾情

甚重並有淹斃人口情事業經咨商盛宣懷馮煦撥款協助等

語覽奏殊深憫惻仍著該督撫妥籌賑撫毋任失所寄電 又諭

電寄四川總督趙爾豐據電奏四川股東會議論激昂正在傳集勸誡街市忽有匿名傳單鼓動罷市罷課情形等語此次該省激動情形有無匪徒從中煽惑著趙爾豐確切查明嚴行彈壓毋任再滋事端所有各領事館教堂及重要局庫務須盡力保護不得稍有疏虞仍將辦理情形隨時電奏

寄電

又諭電寄

兩江總督張人駿等電奏悉所請將革道蔡乃煌現有押產交由各省大清分銀行確查估計分別變價催贖各節著度支部議奏蔡乃煌以勒限嚴迫之犯擅自離滬實屬膽玩已極除通飭內外一體嚴緝外仍責成張人駿程德全飭令劉燕翼督同縣解勒限緝拏務獲究追該督撫亦不得置身事外

寄電

又諭

電寄庫倫辦事大臣三多據電奏設立墾務總分各局擬將圖盟各旗墾地分別上中下等以今年先收押荒發給地照明年再升科等語著度支部知道

寄電

己巳諭內閣電寄四川總督

趙爾豐電奏悉商店罷市既係有人播弄省外伏莽蠢蠢思動
著仍切實彈壓毋任囂張並確查情形隨時電奏所稱省城兵
勢甚單擬設法籌款暫添兵隊等語著該衙門知道寄電 又諭

電寄四川總督趙爾豐據電奏請調參贊錢錫寶充四川軍事
參議員等語錢錫寶甫經簡任駐藏右參贊事務重要所請調

川之處著毋庸議寄電 庚午諭內閣楊文鼎奏敬舉賢良懇恩

嘉獎一摺湖南調署長沙知府本任常德府知府戚朝卿卸署

常德府知府彬州直隸州知州候補知府譚承元調署永順府

知府靖州直隸州知州李見荃調署長沙縣知縣古文坪同知

候補知府沈瀛署桂陽直隸州候補同知陳繼良署瀏陽縣知

縣湘鄉縣知縣朱國華調署寧鄉縣知縣永定縣知縣張致安

邵陽縣知縣邱景章署華容縣知縣即用知縣喬聯昌武陵縣

知縣廖世英既據該撫臚陳政績均著傳旨嘉獎寄電 又諭電

寄廣西巡撫沈秉堃據電奏廣西補用直隸州州判熊文蔚侵吞稅項抗案潛逃請將該員革職通緝歸案究追等語著照所

請

電

辛未諭內閣安徽提學使吳同甲著留任

現

又諭朱

家寶奏查明庸劣不職各員據實參劾一摺安徽和州直隸州知州魏有聲性耽安逸玩視民瘼廬州府同知臧著興離職誤工人言嘖嘖丁憂鳳陽府通判時寶璜縱容差役任性妄爲試用通判楊慶霖藉差招搖操守難信宣城縣知縣李長郁庸懦無能難期振奮試用知縣蔣穎濱志趣卑陋不知自愛試用知縣劉秉樸才識庸闇罔恤名檢無爲州泥汙司巡檢謝士璵因循顛預貽誤要工均著即行革職鳳陽縣縣丞孫治調驗舞弊煙癖未除試用巡檢張景辰天性涼薄逞兇釀命均著革職永不敘用

現

又諭孫寶琦奏江蘇委員張金甌等採買馬匹過境需索縱馬滋擾等語著程德全查明懲處嗣後各省委員赴

口買馬應如何妥定章程以保民田而防滋事之處著陸軍部查酌情形籌擬辦法奏請施行原片著鈔給閱看

寄廷

准故陝

西知縣余宏蔚政績宣付史館立傳從陝西巡撫恩壽請也

包摺

壬申諭內閣電寄四川總督趙爾豐電奏悉鐵路收歸國有係爲減輕小民擔負起見迭經降旨宣布乃川民仍多誤會相率要求其詞雖激其愚可憫朝廷亦何忍重負吾民著郵傳部督辦粵漢川漢鐵路大臣將路款鞫妥速清理明示辦法以釋羣疑趙爾豐身任疆圉保衛治安是其專責務當仰體朝廷愛民之隱剴切開導設法解散俾各安心靜候照常營業倘或辦理不善以致別滋事端定惟該督撫是問

寄電

又諭成都將

軍玉崑等電奏悉昨據趙爾豐電奏已諭令郵傳部妥籌辦法

並電飭趙爾豐剴切開導俾各安心靜候並各照常營業該將

軍等務當協力維持妥籌應付毋令滋生事端

寄電

又諭電寄

陝甘總督長庚據電奏伊新餉源奇絀電請設法接濟甘肅庫空如洗羅掘俱窮難於應付請飭催各省關將應解協餉迅速提解等語甘新邊防關係至爲重要所有各省關協餉著度支部再行嚴切電催迅速籌解毋稍遲誤

電寄

附錄內閣致署四川總督趙爾豐電

聯銜電奏川路股東呈請交院局議一節詳細斟酌窒礙甚多一經交議必不以收歸國有訂借外債爲然況事關四省倘竟相率效尤

朝廷豈能因此收回成命且合同早經簽字業已開賣債票尤不能輕議取銷致起交涉以上各節想閣下早已慮及不待煩言仍希卓裁揭明理由切實開導此次覆電於收路查款兩事極變通尊處大可藉此轉圜深望川人顧全大局早爲結束仍望將所辦情形隨時電知希秘密爲要慶桐昌

內閣致署四川總督趙爾豐電

連接江支豪各電均悉當及將支電代奏本日奉電

旨一道遵即電達此次川民爭路勢甚洶洶而卒未暴動者固由川民深明大義亦

閣下維持之力居多此中一切爲難之處

朝廷均經洞悉惟鐵路國有勢難反汗現在一面商明郵傳部大臣將川省路事及所收路款酌籌變通辦法徑行電聞一面仍由

閣下恪遵

諭旨宣布

德意剴切開導俾衆曉然

聖恩寬大不予嚴究早日解散各安生業來電所稱川民有搭蓋

蘆棚供奉

神牌於街市等事甚屬不敬應敬謹移請

萬壽宮內即將蘆棚一律拆去雖係愚民無知或不難於理喻

閣下治蜀有年久為紳民所悅服但能操縱得宜決不至變

生意外務希揆度情勢策畫萬全并望將辦理情形隨時電

示遇事定當竭力相助以期早就救平

癸酉諭內閣世續奏假期屆滿病難速痊懇恩開缺一摺大學

士世續著再賞假一箇月安心調理毋庸開缺月現又諭世續

現在賞假資政院總裁著李家駒署理副總裁著達壽署理月現

以裁缺吏部侍郎榮勳署理藩部左侍郎月現福建提督洪

永安因病辭職以福建福寧鎮總兵孫道仁為福建提督月現

以丁季陞為福建福寧鎮總兵官月現甲戌

孝靜成皇后忌辰遣官祭

慕東陵 諭內閣著派湖廣總督瑞澂兩廣總督張鳴岐署四川總

督趙爾豐湖南巡撫余誠格各於粵漢川漢所轄境內會同辦

理鐵路事宜現月又諭御史溫肅片奏已故致遠船管帶副將

鄧世昌以死勤事應如何加恩等語著海軍部查核具奏現月

又諭御史溫肅奏逆黨潛結新軍宜速行分別汰留一摺著該

衙門查核具奏現月又諭本日召見之江蘇試用道梅光遠著

以道員仍發江蘇補用分省試用道丁乃澄著以道員發往廣

東補用均交內閣存記現月又諭廣東京官李家駒等奏粵省

兵擾民遷局危勢迫請飭速籌補救一摺據稱廣東防營主客

混雜騷擾地方特甚新軍巡警又復不相浹洽省城官民紛紛

遷徙十室九空商業蕭條金融停滯大局岌岌可危現復大舉

清鄉四出騷擾人心愈形搖動等語廣東地方緊要人心不靖

似此肆行蹂躪後患何堪設想著張鳴岐迅即統籌全局痛瀘

積弊將恢復省城治安秩序辦法奏明辦理並分飭李準龍濟

光等約束所部如再有滋擾情事從重治罪至所稱先將廣東地方劃定衛戍區域俾新軍擇要駐紮一節著該衙門議奏又奏清鄉之法慘酷離奇請飭迅速另籌治盜辦法並慎選妥員辦理一片著張鳴岐一併妥籌辦理以安良善而靖地方原摺片分別鈔給閱看

寄廷

乙亥

孝懿仁皇后忌辰遣官祭

景陵

諭內閣弼德院院長榮慶等奏請撥典禮院改建禮器庫款並價購民房及續撥開辦經費一摺著依議

現月

又諭農工商

部會奏製造度量權衡各種新花開單呈覽一摺知道了

又

諭電寄湖廣總督瑞澂據電奏請將蕭湘羈留鄂省俟通電後

再行查明辦理等語著照所請

電寄

又諭電寄督辦粵漢川漢

鐵路大臣端方等端方瑞澂電奏均悉現在四川民情浮動關

係地方大局至爲重要著端方迅速前往四川認真查辦

電寄

又諭電寄署四川總督趙爾豐據端方電奏川中昌言廢約事
變迭生現已有罷市罷課之舉由此變本加厲焚香設壇誦經
習拳之事必將接踵而起等語瑞澂電奏情事相同此中難保
無匪徒藉端煽惑著趙爾豐懍遵迭次諭旨切實彈壓迅速解
散毋任日久釀亂倘或養癰貽患致滋事端定治該署督以應
得之罪並將近日所辦情形先行電奏

寄電

丙子諭內閣電寄

直隸總督陳夔龍據電奏初七八日風狂雨大水勢奇漲南三
工尾既報漫溢必已刷成口門等語著陳夔龍迅飭該河道等
竭力搶護究竟有無刷成口門等處著將查明情形詳細奏聞

寄電

附錄內閣電

科布多參贊大臣
烏里雅蘇台將軍

庫倫辦事大臣

俄使面告奉政府訓條稱中國疊次聲明與俄敦睦乃近在
蒙古辦理移民練兵整頓吏治等事蒙民深滋疑慮喀爾喀

一帶蒙古王公並庫倫喇嘛均屢次專員赴俄外交部訴苦
俄蒙連界休戚相關俄斷不能漠視勢必至在交界等處籌
對付方法深恐蒙民因之騷擾從此多事應請中國將辦理
蒙事宗旨明白宣示以釋羣疑而敦和好等語查整頓蒙古
本我內政非外人所應干涉惟壤地毘連彼極注意加以蒙
古王公喇嘛向彼訴苦遂致有所藉口當係各項辦事人員
未能曲體輿情致招疑慮不妨由

尊處體察情形據實報告擬定變通辦法再行酌定並以後
舉行新政務先婉切開導推布公誠於彼生計利害尤宜曲
予保全冀可深得蒙心使之內向庶免整理蒙務蒙民不以
爲德轉以爲怨迫求外援致邊事鄰交益形窒礙希查明飭
屬審慎辦理爲要閣外

山東巡撫孫寶琦奏時事艱難才力不勝籲懇開缺一摺得旨

現在時局多艱該撫向來尙屬辦事妥協所請開缺之處著毋

庸議

包摺

丁丑諭內閣電寄四川提督田振邦現在四川人心

浮動難保無匪徒暗中鼓惑著田振邦申明紀律將所部巡防各營嚴加約束毋爲外間莠言煽惑並飭各營妥爲彈壓地面以保治安倘該營弁兵有勾通匪徒情事定惟該署提督是問

電

又諭電寄督辦粵漢川漢鐵路大臣端方昨已有旨派端

方前往四川查辦鐵路事宜端方身任督辦路事是其專責現在川路風潮劇烈關係甚重著端方懍遵前旨迅速前往不准

藉詞推諉延宕如須酌帶兵隊著就近會商瑞澂辦理並將起程日期迅即電奏

電

又諭電寄兩廣總督張鳴岐據電奏前

因廣東匪蹤徧地請添募巡防隊十營近日高州匪勢益加猖獗已先挑募三營開赴高州其餘各營亦須陸續添募懇准立

案等語著照所請

電

又諭電寄四川總督趙爾豐玉崑等電

奏悉郵傳部奏幹路收爲國有早經降旨允行決無反汗之理
屢經宣示乃該將軍等仍以交院議決暫歸商辦爲請殊屬不
知朝廷維持全國路政之深意著傳旨申飭現在附省州縣已
有燒燬局所之事定係匪徒從中煽惑希圖擾亂治安仍著趙
爾豐懍遵迭次諭旨迅速解散切實彈壓勿任蔓延爲患倘聽
其藉端滋事以致擾害良民貽誤大局定重治該署督之罪懍
之電寄御史蕭丙炎奏民間求學維艱亟宜實行校外教育請
飭部定章辦理一摺下學部知之現月以報効海軍鉅款賞二
品頂戴候補五品京堂林爾嘉侍郎銜現月戊寅諭內閣電寄
督辦粵漢川漢鐵路大臣端方據電奏請另派重臣赴川查辦
等語朝廷簡派端方赴川查辦路事正以其係原參之人必不
致有迴護隱飾情事且川鄂交界路途並不甚遠再近實無可
派之大員該大臣身充督辦凡關於四省鐵路均係該大臣分

內之事無論何省遇有事故即無朝旨敦促亦應隨時前往相機辦理況現在川路風潮甚劇豈轉可置身事外該大臣向來勇於任事不辭勞怨仍著懷遵兩次諭旨迅速前往不准藉詞推諉延宕並將起程日期即日電奏

寄電

又諭電寄江皖查賑

大臣馮煦據電奏皖南江南統核新灾需款現在已撥之五十萬兩實屬不敷懇飭將部款暫緩歸墊一面寬籌鉅款俾濟灾黎等語著度支部議奏前項墊款已撥充農工商部經費業由籌賑大臣奏明分批撥解所請稍緩歸墊之處應無庸議從之

寄電

又諭電寄四川總督趙爾豐據電奏李稷勳因病請

開去暫管路事差使應否准辭等語著郵傳部查核辦理

寄電

己卯諭內閣程德全電奏本月初四五六等日大雨如注晝夜不息圩隄潰決田畝被淹灾情較前尤重現在庫儲奇絀勉籌急賑深恐不敷等語江蘇各屬屢被灾稜情殊可憫加恩著賞

給帑銀四萬兩由度支部給發該撫即派委委員核實散放毋

令失所

現月

又諭陳夔龍奏永定河漫口奪溜分別參辦並自

請議處一摺前據該督電稱河水奇漲南三工尾漫溢當經降

旨飭令竭力搶護茲據奏報詳細情形七月初六至初七日傾

盆大雨歷兩日夜之久山洪奔注永定河南三工尾第二十號

漫溢成口口門連上十九號約寬一百四五十丈雖因河勢奇

漲人力難施在工各員究屬疏於防範調署南三工涿州州判

本任北二下汛東安縣主簿章晉墀著革職留工効力代理南

岸同知候補知縣張榮凝永定河道呂佩芬均著革職留任陳

夔龍督率無方並著交內閣照例議處仍著將漫溢各工趕緊

堵築並派妥員速放急賑以拯災黎毋任失所

現月

又諭翰林

院奏講習館期滿查照奏案擇尤保薦繕單呈覽一摺編修朱

點衣等十八員均著交內閣存記

現月

又諭電寄督辦粵漢川

漢鐵路大臣端方據電奏起程日期及所擬辦法均悉此次川民因爭路罷市罷課顯係莠徒煽惑愚氓希圖藉端滋事該大臣所擬一切辦法輕重緩急尙合機宜即著照所議辦理並著軍諮府陸軍部電飭川省水陸新舊各軍暫准由端方隨時調遣該大臣入川後首當宣布朝廷愛民至意及維持路政深心相機因應以期早就安謐並將查辦情形隨時電奏請旨辦理

電寄

又諭電寄安徽巡撫朱家寶電奏悉本年夏秋久雨江湖

盛漲各圩堤大半出險經該撫督飭印委竭力搶護露立指揮以致感受風溼著賞假十日安心調理仍嚴飭印委各員認真防護圩堤毋稍疏虞

電寄

翰林院侍讀吳士鑑奏請飭部臣實

勘成都南北兩路綫得旨下內閣會議具奏

現月

調出使和國

大臣陸徵祥爲出使俄國大臣並賞加侍郎銜

現月

以劉人鏡

爲出使和國大臣

現月

庚辰

上詣

壽皇殿行禮 遣官祭

東

西陵 遣官詣梁格莊

德宗景皇帝几筵前行禮 遣官祭

端慧皇太子園寢 遣官祭

醇賢親王園寢 諭內閣前據御史陳善同奏疆臣昏瞶溺職據實糾參一摺當經諭令李經羲確查茲據查明奏稱龐鴻書撫黔數年處事公明并無袒庇劣幕玩丁情事惟用人意存寬大間或欠於威斷等語龐鴻書現已開缺著免其置議貴州巡警道賀國昌尙無賄賣差缺袒護員警等事惟有李友二一案事前失察咎有難辭著交內閣察議貴州試用通判周篆訓飭酒尋讐行同無賴雲南補用巡檢周聲漢承審要案處理荒謬

貴州補用從九沈燮堂曠比劣丁爭鬧滋議均著即行革職貴州補用知州朱禮和雖無劣迹人欠謹飭著沈瑜慶隨時察看另片奏黎平府知府陳鴻年體弱才平前當局差辦事疏誤修文縣知縣儲世鑫庸懦無能難期整飭均著開缺察看貴州補用知府鮑世爵歷練未深遇事輕率著以通判降補前充撫署幕職候選同知胡壽彭性善招搖漏洩機密並有因緣爲奸之事其子候選縣丞胡顯祖僥倖得官聲名尤劣均著革職永不敘用并即行驅逐回籍交原籍地方官嚴加管束前充撫署巡捕貴州補用巡檢熊其光舉止躁妄藉事生風著即行革職勒令離黔現月廣西巡撫沈秉堃奏廣西右江地方衝要叢匪謹籌辦法一窮搜積匪以清巢穴一密捕革黨以防煽惑一整頓軍防以肅戎政得旨即著按照所擬辦法認真籌辦所請以陳仲賓署右江鎮總兵之處前據張鳴岐奏請已有旨矣摺辛

已諭內閣電寄署四川總督趙爾豐據電奏川人因路事久不
解決該會長等竟敢存心叵測實行抗糧抗捐並出有川人自
保商權書其中條件隱含獨立尤爲狂悖等語該署督前奏川
人抗糧抗捐等情已屬目無法紀茲復倡言自保意在獨立尤
屬罪無可道著趙爾豐迅速查拏如得有狂悖不法確據實係
形同叛逆無論是否職官即將首要人犯先行正法並妥速解
散脅從毋任蔓延爲患

寄電

又諭電寄直隸總督陳夔龍據電

奏永定河漫溢成口災黎待拯孔殷直隸賑款無著請飭江皖

籌賑大臣迅撥銀十五萬兩以資急賑等語著盛宣懷酌量籌

撥

寄電

又諭電寄兩江總督張人駿等據程德全電奏江蘇各

屬本月初四五六等日大雨如注圩堤潰決田畝被淹災情較
前尤重當經發給帑銀四萬兩以拯災黎茲據張人駿等奏稱
寧蘇各屬災重地廣非大宗鉅款莫能挽此沈災請頒發恩帑

二十萬兩等語著度支部速議具奏

寄電

又諭電寄出使和國

大臣劉鏡人等薩蔭圖現已簡放科布多參贊大臣所有現議

商約事宜著劉鏡人會同陸徵祥辦理

寄電

壬午

文宗顯皇帝忌辰遣官祭

定陵

諭內閣湖南京官大理院少卿王世琪等奏聲明湘路股款

情形一摺據稱國家特因各省股本不敷造路故籌鉅款以期

速成既准商民一律附股並無排除民股之心已爲中外所共

見惟湖南商股不過百五十萬懇將房股租股皆准作爲私股

路用鹽斤加價賑糶米捐之款皆准作爲地方公股款皆實銀

請一律給與分紅分息股票以後商民繼續附股並請照收以

免向隅等語所陳各節核與五月二十一日諭旨各省所抽所

招之公司股票盡數驗明收回由部特出國家鐵路股票按股

分利辦法尙屬相符朝廷籌款收路祇在速成並非排除民股

湘省紳商已能仰體所擬各節尤見愛國之誠自應准如所請
即由該部將其公司股票盡數驗明換給國路股票其賑糶捐
款鹽勛加價兩項即歸路用亦准作爲地方公股俾得一律分
紅分息藉充本省備荒及地方公共實業之用責成公正紳士
會同經理官爲督察自經此次頒諭之後該公司即應遵照迅
速交收著郵傳部會同督會辦鐵路大臣即日派員接管趕緊
開工剋期告成以重交通要政現又諭電寄署四川總督趙
爾豐電奏悉川省逆黨藉爭路爲名鼓動愚民意圖獨立竟於
十五日兇撲督署肆行燒殺並砍傷哨弁等數人實屬兇惡已
極該署督力飭兵隊將該逆黨分頭擊退並先將首要蒲殿俊
等設法誘擒辦理尙屬迅速該署督以該省兵分力弱請撥得
力兵隊數千人來川一節著瑞澂就近遴派得力統將酌帶營
隊迅即開拔赴川暫歸趙爾豐調遣節制當此事勢急迫該署

督務當督飭兵隊相機分別勦辦一面出示解散脅從以安人心一面嚴飭省外州縣妥慎防範悉心安撫免致勾結爲患並

將勦辦情形隨時電奏

寄電

又諭電寄湖廣總督瑞澂據電奏

開拔軍隊應加行餉柴草兩項由鄂勉籌其軍行川資等項請

由部擔任等語著該部知道

寄電

又諭電寄浙江巡撫增韞據

電奏閏六月十六日起烈風暴雨連日不止水勢猛漲杭嘉湖

紹四府早禾既受摧殘晚苗又被淹沒七月初旬又復風雨交

作徹夜不休塘隄圩埂一片汪洋家屋人畜漂失無算錢塘等

縣灾民聚集要索米糧請借撥運庫銀三十萬兩查明被災輕

重平糶賑濟等語著照所請該衙門知道並著該撫遴派委員

分別灾情輕重核實散放加意撫恤毋任失所

寄電

學部會奏

酌擬停止各學堂實官獎勵並定畢業名稱一摺如所議行

現

癸未

上詣補桐書屋

先師孔子前行禮御

涵元殿受師傅御前大臣內務府大臣禮畢詣補桐書屋向師

傅揖入座讀書

內起居注

諭內閣電寄督辦粵漢川漢鐵路大臣

端方電奏悉借用外國兵輪諸多窒礙斷不可行著另行設法

迅速前進請飭趙爾豐嚴密防範各節昨已有旨嚴飭趙爾豐

矣

電寄

又諭電寄湖廣總督瑞澂據電奏湖北各州縣隄皖被

水浸潰分別籌辦工賑等語著即按照所籌各節妥速經理

電寄

又諭電寄江蘇巡撫程德全據電奏遵將恩帑核實散放本

年風雨爲灾情形甚重急賑祇顧目前來日方長急宜綢繆未

雨集議籌辦賑務五條等語著照所請分別籌辦

電寄

甲申諭

內閣張鳴岐電奏潮州府屬地方本月十一日大雨山水暴發

江流陡漲東津隄驟決淹沒田畝無算次日海陽澄海等縣屬

各隄又相繼衝決淹斃人口不可勝數受災均屬甚重已先開
義倉賑濟派員辦米趕放急賑等語潮州府屬地方猝被水災
衝潰各隄現在水勢雖退災區甚廣灾情甚重小民顛沛流離
殊堪憫惻加恩著賞給帑銀四萬兩由度支部給發該督即派
委妥員核實散放加意撫恤毋任失所現又諭現在四川亂
黨藉爭路爲名煽惑商民罷市罷課近復傳布自保商榷書意
圖自立並有攻撲督署肆行燒殺情事已經電諭趙爾豐分別
良莠勦撫兼施乃旅京紳商學界屢次開會聚集多人投遞呈
詞是不知該省匪徒構亂情形暨朝廷綏靖地方深意徒滋擾
亂京畿重地亟應保衛治安尤須嚴加防範著學部嚴飭各學
堂管理各員認真約束學生照常上課不准隨意出堂干預外
事並著民政部步軍統領衙門嚴行禁止聚衆開會多派兵警
加意彈壓如仍有開會演說紛遞呈詞者立即勸阻解散倘或

不遵即行分別拏辦並將自稱四川代表劉聲元嚴密查拏押解回籍交地方官嚴加約束各該衙門務當實力奉行毋稍疏忽御史陳善同奏川省路事日棘請將辦理不善之大臣量予懲處並飭妥速設法維持以安人心而弭巨變竊維國以民爲本自古未有得民心而國不興者即未有失民心而國不危者傳曰衆怒難犯書曰民可近不可下此中消息至微有天下者不可不察也此次以鐵路幹綫歸國有政策本極相宜稍有知識孰不贊成比者屢詔蠲除各項雜捐所以恤民者固已仁至義盡而湘粵等省人心惶駭擾擾不靖川患且日以加劇者則以郵傳大臣盛宣懷於此事之辦理實有未善也各路商辦之局其始皆歷奉

先皇帝諭旨根據大清商律如欲改歸官辦自應統籌全局劃定年限分期分段量力遞收於國於民方爲兩利今盛宣懷事前毫

無預備徒仰仗借款突然將批准各案奏請一律取銷各該路以十餘年之經營千數百萬之籌集一旦盡取諸其懷而奪之而所訂借款合同利率之高虛折之多抵押之鉅債權之重又著著失敗予人口實各該省人民痛念前勞怵心後禍宜其奔走駭告岌岌若不終日也查給事中石長信之請定幹路枝路辦法在四月初七日郵傳部之覆奏宣布國有政策在十一日而借款合同之簽押在二十二日一似政策之改定實緣借款而發生也者舉辦此等大事乃平時漫無布置出以猝遽如此反使朝廷減輕民累之指爲之晦沒不彰而復不能審慎臨機強令宜歸工程每月工項仍由川款開支實與五月二十一日上諭川路現存七百餘萬願否入股或辦實業並聽其便等語大相違背必欲使我

皇上體卹商民之恩壅遏之不使下逮陷朝廷以不信示天下以

可疑羣起抵抗何怪其然幸以國家三百年來深仁厚澤淪浹人心故雖衆怨交集於盛宣懷終無敢有歸怨朝廷者比聞川省風潮日烈皆以盛宣懷喪權誤國欲得而甘心月餘以來屢開全省股東大會每次到者近萬人誓與路爲存亡在場之人無不爲之泣下合十餘州縣地方並相約不納錢糧不上捐輸學堂停課商民罷市各戶恭設

先皇帝靈位朝夕痛哭人無樂生之心士懷必死之志愁慘蕭條如經大劫至可憐念夫今日皇皇失所之窮民皆國家衮衮在疚之赤子而業已情形狼狽至此臣知我

皇上聞之必有惻然動念者若不亟爲拯救萬一相持不解稍延時日或有不軌之徒從中鼓煽強者併命於尋仇弱者絕望於逃死衆志一睽全體瓦解終非國家福也現在湖鄂爭路餘波尙未大熄而雨水爲災幾近十省盜匪成羣流亡遍野若川省

小有風鶴之警恐由滇藏以至沿江沿海必有起而應之者其爲患又豈至於路不能收而已頃者我

皇上諭派鄂粵川湘等省督撫令於所轄境內鐵路事宜各得會同辦理是路事重要盛宣懷剛愎自用不治輿情難於獨任已可概見應如何懲處以儆將來至川民爭議久懸不斷終慮釀成巨變應責成督辦會辦各大臣仰體勤恤民間之意酌度情形妥速維持或將該路倒賑之款嚴予追繳准照粵路虧耗四成之例分別有著無著發給保利無利股票以示格外體恤蓋損上益下謂之益損下益上謂之損積民而成國民利則國無不利也其借款承修之粵漢川漢各段路綫或由官辦或由包工應如何斯可以節省糜費保全利權並請飭下內閣從速會議公籌妥善方法剴切宣布以息衆喙而釋羣疑疏入不報

乙酉諭內閣自鐵路幹綫收歸國有凡從前商股民股均經

摺包

飭部妥定辦法明白宣示既已減輕民累復不令虧損民財朝廷體恤閭閻實已仁至義盡乃川人未明此意開會演說藉端爭執始不過無知愚氓羣相附和繼則罷市罷課迹近囂張屢經電飭趙爾豐彈壓解散並飭郵傳部將路款轆轤安速清理明示辦法以釋羣疑原冀早就敕平各安生業迄不忍加罪吾民不料抗糧抗捐之議相繼而起惟恐有匪徒從中煽誘別滋事端特派端方前往查辦僅准酌帶兵勇兩隊俾免驚疑旬日以來該省突有人散布自保商權書意圖獨立並有約期起事之舉經趙爾豐先期偵悉將首要擒獲本月十五日竟有數千人兇撲督署肆行燒殺並傷斃弁兵似此目無法紀顯係逆黨勾結爲亂於路事已不相涉萬難再予姑容已電飭趙爾豐相機分別剿辦該署督迅即懷遵前次電旨嚴飭新舊各軍將倡亂匪徒及時撲滅勿任蔓延其被脅紳民均係無辜尤當妥籌

安撫不得稍有株連免致地方糜爛如有爲逆黨強迫列名會簿者即將該名冊全行銷毀一概不究端方帶隊入川務須申明紀律嚴加約束不准騷擾並沿途曉諭居民宣布德意俾皆曉然朝廷不得已而用兵純係爲除莠安良起見以定衆志而遏亂萌至該省商民一切路股仍著郵傳部督辦會辦鐵路大臣遵旨安速辦理經此次申諭之後該省紳民人等勿再輕信浮言徒滋擾亂應即照常開市開課各安本分用副朕諄諄誥誠之至意

現月

又諭電寄湖廣總督瑞澂據電奏遵派步兵一

標赴川情形所請由陝西酌撥軍隊前往等語著軍諮府陸軍部速議具奏此次赴川鄂軍均准暫由端方節制調遣

電寄

尋

奏川省城圍已解所調陝西軍隊暫令在川陝交界扼要填紮從之 又諭都察院代奏縣丞用兼襲雲贛尉李滋然呈進舊撰書籍四種著南書房閱看 丙戌諭內閣電寄湖廣總督瑞

激昨據電奏川省情形吃緊鄂省援川軍隊一標兵力似嫌單薄等語當經交軍諮府陸軍部速議具奏茲據覆奏遵旨速議各節湖北兵力尙敷分布著該督體察情形隨時請旨由該省添撥營隊逐節前進以爲後援至該督請由陝西等省酌增兵隊由驛而往協同肆力然後再飭近畿各鎮赴陝填紮各等語著軍諮府陸軍部電商陝甘總督陝西巡撫通盤籌畫請旨辦理至於近畿各鎮拱衛京畿未便遠調以致牽動大局所請著勿庸議鄂省援川軍隊已有旨一併暫歸端方節制調遣矣

電寄

丁亥諭內閣禁煙大臣奏職官煙癖未除據實糾參各摺片開缺典禮院直學士李擢英前軍機章京孫筥經均著革職永不敘用所有爲孫筥經出結官典禮院學士易貞內閣閣丞華世奎該大臣等奏稱出結係在本年續定章程以前可否量予末減等語易貞華世奎應得降一級調用處分均著改爲罰俸

一年

現月

又諭電寄湖廣總督瑞澂近閱重慶等處電陳四川省城外聚有亂黨數萬人四面圍攻勢甚危急與瑞澂來電大致相同成都電報數日不通朝廷殊深焦慮該處被圍日久恐滋大亂著瑞澂嚴飭所派赴川軍隊不分水陸設法兼程前進務令剋日抵川不得稍有延緩約於何日可達成都迅即電奏此刻調撥他省軍隊路途愈遠爲時愈久恐不足以濟急現在專恃鄂軍就近前趨迅平此亂該督務當妥速籌畫毋誤事

機

電寄

又諭電寄湖廣總督瑞澂現在川省事急調鄂兵隊已

經電催剋期前進端方應迅速到川現行抵何處約計何日可到成都著即日詳細電奏

電寄

又諭電寄閩浙總督松壽據電

奏閩省本月初三日颶風大作連日大雨如注河水陡漲城內外積水四五尺不等衙署營房民房倒塌無數並有壓斃人口情事等語著松壽督飭所屬趕放急賑加意撫恤毋任失所餘

著照所議辦理

電寄

又諭電寄山東巡撫孫寶琦據電奏本月

初五六七等日大雨如注山河暴漲濟南及東西路各州縣陸續報災東路尤重又黃河上游民埝漫決被災州縣亦應分投拯濟東省庫款奇絀懇恩飭部迅撥的款等語著度支部撥給銀五萬兩並著盛宣懷等派員迅赴膠高即一帶加放急賑以

拯災黎

電寄

又諭電寄閩浙總督松壽據電奏福建提督駐紮

廈門該處華洋雜處督隊巡防極關緊要請飭提督孫道仁先赴新任暫緩陛見等語孫道仁著勿庸來京陛見

電寄

戊子諭

內閣前因四川逆黨勾結爲亂當飭趙爾豐分別剿撫並飭端方帶隊入川現據瑞澂及重慶等處電陳四川省城城外聚有亂黨數萬人四面圍攻勢甚危急等語成都電報現已數日不通附近各府州縣亦有亂黨煽惑鼓動川省大局岌岌可危朝廷殊深焦慮昨已電飭端方剋期前進迅速到川開缺兩廣總

督岑春煊威望素著前任四川總督熟悉該省情形該督病勢聞已就痊著即前往四川會同趙爾豐辦理勦撫事宜岑春煊向來勇於任事不辭勞瘁即著由上海乘輪即刻起程毋稍遲延此次川民滋事本係不逞之徒藉端誘惑迫脅愚氓以致釀成此變現在辦法自應分別良莠勦撫兼施其倡亂匪徒亟須從嚴懲辦所有被脅之人均係無辜赤子要在善爲解散不得稍有株累以期地方早就救平岑春煊未能立時到川端方計已行抵川境著先行設法速解城圍俾免久困並沿途妥爲布置毋任滋蔓該大臣等其各懷遵諭旨迅赴事機以紓朝廷西顧之憂而免川民塗炭之苦現又諭都察院代奏四川京官曾鑑等爲川民爭路致釀重案懇飭秉公查辦以維大局而遏亂源原呈一件著端方按照所陳各節查明實在情形秉公分別核辦毋枉毋縱據實具陳原呈著鈔給閱看

廷寄

御史范之

杰奏諮議局議員改選期迫請飭遵章認真辦理下內閣議

現月

庚寅

仁宗睿皇帝忌辰

上詣

壽皇殿行禮遣官祭

昌陵

又諭內閣專司訓練禁衛軍大臣郡王銜貝勒載濤輔國公

銜鎮國將軍載扶訓練有方不辭勞瘁均著加恩賞穿黃馬褂

所有該訓練處當差各員自軍諮官以下准照異常勞績擇尤

酌獎現在尙未成軍訓練處暫毋裁撤仍責成載濤等認真訓

練隨時妥擬一切擴充辦法候旨遵行

現月

又諭前據專司訓

練禁衛軍大臣載濤等奏稱禁衛軍兩協已經成立請旨校閱

等語昨經

監國攝政王親往校閱並頒給標旗該兩協官兵均精神振奮

動作如法頗能仰體朝廷整軍經武之意成效昭著深堪嘉許
所有兩協各官長著載濤等擇尤以軍官擬補其補有軍官者
著按其職任酌量提升各目兵等著每名賞銀二兩由度支部
發給以示鼓勵

現月

又諭電寄湖廣總督瑞澂據電奏鄂省援

川軍隊擬定水陸兼行辦法分作三段前進等語籌畫尙屬妥
協惟成都被圍日久待援甚急但能早到一日庶可早解一日
之圍仍著督催迅速進發不得稍有遲延

電寄

又諭電寄雲貴

總督李經羲等據電奏擬請撤銷協餉名目飭協出省分將應
協款目及歷次協款一律解部協入省分將受協款目報部請
領各節著度支部議奏尋奏電陳各節較現在辦法徒增周折
不獨財政無統一之效且於清理益多窒礙難照准從之

又諭電寄湖南巡撫余誠格據電奏衡永寶益銷鹽釐一款原
案聲明作爲官股一律認利懇將此次所填股票息摺交由財

政公所管理等語著該衙門查核具奏

寄電

辛卯諭內閣出使

奧國大臣沈瑞麟奏水災迭見亟宜興修水利以裕國計而利民生一摺著各該督撫將所管境內應修水利詳細查明妥籌辦法迅速具奏原摺均著鈔給閱看

寄廷

又諭電寄貴州巡撫

沈瑜慶成都被匪圍困勢甚危迫已飭鄂軍前往赴援惟路長且險誠恐緩不濟急著沈瑜慶酌派得力兵隊迅即開拔剋期抵川毋稍延緩該軍隊抵川後暫由趙爾豐節制調遣

寄電

又

諭電寄辦理四川勦撫事宜岑春煊電奏悉所奏川事辦法尙合機宜著即選帶得力員弁星馳就道所有川省水陸各軍及各省所派赴川援軍俟岑春煊抵川後一併歸該督暫行節制調遣至所請飭龍濟光抽撥得力滇兵按照新軍營制編列步隊兩營配齊槍械乘輪徑赴宜昌以備調用龍濟光能否自行統領抑交由碣石鎮總兵吳祥達統率赴川等語著張鳴岐酌

量辦理迅速電奏並著度支部籌撥的餉源源接濟岑春煊未到川以前仍著端方督隊前進迅解城圍該衙門知道寄電又

諭電寄督辦粵漢川漢鐵路大臣端方電奏均悉籌畫辦法尙屬妥協岑春煊業經電奏料理就道惟抵川究需時日現在川事危急刻不容緩岑春煊未到以前仍著該大臣督隊趨程前進迅解城圍不得稍有諉卸並已電飭沈瑜慶酌撥兵隊迅速開拔赴川矣寄電又諭電寄兩江總督張人駿據電奏寧屬被災米糧缺乏分赴鄰省及南洋各島購運米糧懇恩展免沿途

釐稅六箇月等語著照所請寄電壬辰諭內閣南書房片奏閱

看學部七品小京官李滋然呈進書籍四種綜觀所著各書於經學研究甚深堪備乙覽應否加以褒獎等語李滋然著賞加

主事銜現又諭御史路士桓奏四川不靖宜統籌全局請飭

邊疆各省嚴行防範以堵蔓延一摺所奏不爲無見著各該督

撫各飭所屬加意防範毋任川匪竄擾勾結並飭地方文武嚴密稽查遇有藉川路爲名開會演說情事即行解散禁止免致暗中鼓惑其沿江沿海一帶暨滇越各界尤宜嚴防軍械輸入

接濟川匪無稍疏忽原摺均著鈔給閱看

寄廷

又諭電寄督辦

粵漢川漢鐵路大臣端方據電奏近日布置情形並商調淺水

兵輪等語著海軍部知道

寄電

又諭電寄江蘇巡撫程德全據

電奏蘇省採運湘贛等省米石請飭各該督撫驗照免完稅釐

等語著照所請

寄電

又諭電寄廣西巡撫沈秉堃據電奏川省

變亂謹陳管見擬請飭郵傳部分備銀兩散還零星民股其川路虧倒股本並飭部墊認按股散還追繳歸款等語著郵傳部速議具奏尋奏有願附股者按照湘股給發國家鐵路股票一律分利分紅不願附股者照粵股一律實發六成現銀四成另給國家印票分二年給還該公司實收股本國家既全數認還

虛糜及倒賑之款已包括在內矣從之 又諭電寄辦理四川
勦撫事宜岑春煊據電奏請准令高而謙隨同赴川並請刊刻
關防等語雲南布政使高而謙前經面諭一切催令迅速赴滇
辦理緊要事件未便飭令赴川著岑春煊另選得力人員奏調
隨同前往並准其刊刻關防

電寄

御史忠浩奏幣制重要宜再

詳定收換辦法以防流弊下度支部議 癸巳諭內閣趙爾豐

電奏自十五日亂民圍攻督署之後是夜即有大麪鋪牛市口

民團數千人廝集城下連日又到溫江郫縣崇慶州灌縣成

都華陽雙流新津邛州蒲江大邑十餘州縣民團每縣數起每

起數千人或至萬人所到之處搶掠燒劫無所不爲附近居民

紛紛逃徙當經調派陸軍及巡防軍衛隊迎勦乃各該團恃其

勢衆分四路圍城並放槍礮傷亡軍士迨經回擊猶敢抵死抗

拒及勢難支始行敗退嗣有大股匪團數千人盤踞距省城五

十里之龍泉驛山頂扼守險要密列礮械揚言進攻省城迨官軍馳往勦擊匪即開礮轟打經軍隊於黑夜猛撲山上占據山頂奪獲大礮數十具槍彈刀矛無算匪遂下山紛竄而西路犀浦中和場等處匪徒亦經擊退匪復分股圍攻雙流縣城焚燒關廂街寺官軍與之相持一晝夜城圍始稍鬆解竄擾犀浦中和場並續竄唐家寺之匪亦先後敗退自十六日至今連戰七日擒斬甚多奪獲刀矛旗幟約二千餘件各路電綫悉被砍斷驛遞文件皆被截阻搜殺現在各處仍復警報頻聞擬俟城守稍固即抽隊迎勦先後陣擒被脅愚民均開導寬免等語辦理尙合機宜該匪等先期散有調兵木籤足見謀逆已非一日及至逆謀敗露立時四處響應膽敢圍城抗拒肆行焚掠擾害良民使閭閻不得安堵又復扼險固守截斷聲援並有砍斷各路電綫截阻驛遞文件及搜殺情事實屬有意作亂似此悖逆情

形業已衆目昭彰豈容任其糜爛亟宜早圖廓清現在鄂軍已
經行抵川境黔省援軍亦經開拔仍著趙爾豐嚴飭各軍分路
剿辦迅速擊散毋令匪燄日張仍分別良莠剿撫兼施凡有被
脅愚民悉從寬宥徧行曉諭妥籌安撫以免株連而釋疑懼仍
將辦理情形隨時電奏至所奏設立籌防局辦理籌餉各事宜
一節著度支部知道

現月

甲午諭內閣電寄督辦粵漢川漢鐵

路大臣端方電奏頃據趙爾豐電奏稱官軍自十六日與匪連
戰七日幸隨時激以忠義將士均尙用命所當輒靡擒斬甚多
奪獲槍礮刀矛旗幟無算惟各處匪徒散而復合擬俟城守稍
固即抽隊迎剿等語是該省軍事辦理尙爲得手當此事機緊
要川人望救甚殷該大臣務須懍遵迭次諭旨督率鄂軍迅速
進行以慰羣情之望毋稍延緩

電寄

又諭電寄駐藏辦事大臣

聯豫據電奏悉波密野番畏罪投誠逆酋授首全境來歸辦理

尙屬安速殊堪嘉尙投誠番衆著該大臣妥爲撫恤至請添練

營隊一節著照所請

寄電

又諭電寄辦理四川剿撫事宜岑春

煊電奏均悉自定鐵路國有政策疊經降旨不令民間股本絲毫損失及川民聚衆要求復經累次諭令開導解散事起之後並嚴飭趙爾豐分別良莠不得拘累無辜朝廷本以體恤民艱慎重民命爲心與岑春煊此次電奏不安戮無辜一人不短少路股一錢正復相同惟此次川匪肇亂純係藉端煽惑隱有逆黨從中主持察核先後情形已經昭著昨今兩日迭接趙爾豐電奏連日擊匪尙爲得手惟匪衆蔓延一時難望敕平岑春煊仍當遵旨迅速前進剋日抵川相機辦理所請收回成命之處著勿庸議至所陳川省路股辦法尙得要領與朝廷前次諭旨亦相符合其中詳細條目著郵傳部速議具奏尋奏路股辦法有願附股者按照湘股辦理不願附股者按照粵股辦理從之

岑春煊前奏請飭龍濟光抽撥得力滇兵一節頃據張鳴岐電奏於五六日內先成一營立即開拔餘一營即催令剋日成軍從速起程龍濟光現充陸軍統制兼統防營粵省正值多事未便遠離吳祥達現署高州鎮總兵交卸亦需時日先派現充滇軍分統補用參將黎天才統率該兩營前往一面即委員接充高州鎮總兵飭吳祥達交卸立即起程等語已有旨電飭張鳴岐迅速辦理矣寄電又諭電寄督辦粵漢川漢鐵路大臣端方電奏悉據稱行抵萬縣即召集紳耆宣布德意徧行曉諭及籌備各路進兵事宜均尙妥協惟黔軍開赴重慶道路是否便捷已諭令沈瑜慶察酌地勢遠近迅抵成都現在援軍已有鄂黔各軍並飭軍諮府電商瑞澂續調鄂軍又由廣東龍濟光所部滇兵兩營不日開拔湘滇各軍即可暫緩調撥該大臣迅即妥爲布置並將籌辦情形隨時電奏寄電又諭電寄閩浙總督

松壽據電奏閩省擬辦抽收轎捐轎夫等聚衆稟求免捐當經
批准暫緩隨即牌示曉諭乃不遵諭解散愈聚衆將巡警守
望所全行打毀南台地方初級兩等審判廳所收人犯全行放
逃並拆毀巡警道署燒焚警署巡士受傷六十一人經軍隊彈
壓始各散去等語殊屬不成事體現在人心浮動難免有匪徒
藉端煽惑希圖擾害治安仍著該督等嚴行防範查拏首要盡
法懲治毋任再生事端寄電 又諭電寄兩廣總督張鳴岐據電
奏遵飭龍濟光抽撥得力滇兵逕赴宜昌等語著即按照所籌
辦法迅飭開拔寄電 又諭電寄四川總督趙爾豐據電奏川省
匪衆兵單不易廓清請飭鄂督再增派兵兩營刻期馳援等語
著軍諮府迅速電商瑞澂酌量調撥寄電 又諭電寄貴州巡撫
沈瑜慶電奏悉黔軍開拔著即迅速前進惟趨赴重慶道路是
否便捷仍著察酌地勢遠近迅抵成都勿稍延緩寄電 又諭電

大寄庫倫辦事大臣三多據電奏哲布因目疾加劇向索眼藥擬
乞恩飭御藥房頒發等語著御藥房頒賞由驛遞交

寄電

大清宣統政紀卷三十八

... 宣統元年... 宣統二年... 宣統三年... 宣統四年... 宣統五年... 宣統六年... 宣統七年... 宣統八年... 宣統九年... 宣統十年... 宣統十一年... 宣統十二年... 宣統十三年... 宣統十四年... 宣統十五年... 宣統十六年... 宣統十七年... 宣統十八年... 宣統十九年... 宣統二十年... 宣統二十一年... 宣統二十二年... 宣統二十三年... 宣統二十四年... 宣統二十五年... 宣統二十六年... 宣統二十七年... 宣統二十八年... 宣統二十九年... 宣統三十年... 宣統三十一年... 宣統三十二年... 宣統三十三年... 宣統三十四年... 宣統三十五年... 宣統三十六年... 宣統三十七年... 宣統三十八年... 宣統三十九年... 宣統四十年... 宣統四十一年... 宣統四十二年... 宣統四十三年... 宣統四十四年... 宣統四十五年... 宣統四十六年... 宣統四十七年... 宣統四十八年... 宣統四十九年... 宣統五十年... 宣統五十一年... 宣統五十二年... 宣統五十三年... 宣統五十四年... 宣統五十五年... 宣統五十六年... 宣統五十七年... 宣統五十八年... 宣統五十九年... 宣統六十年... 宣統六十一年... 宣統六十二年... 宣統六十三年... 宣統六十四年... 宣統六十五年... 宣統六十六年... 宣統六十七年... 宣統六十八年... 宣統六十九年... 宣統七十年... 宣統七十一年... 宣統七十二年... 宣統七十三年... 宣統七十四年... 宣統七十五年... 宣統七十六年... 宣統七十七年... 宣統七十八年... 宣統七十九年... 宣統八十年... 宣統八十一年... 宣統八十二年... 宣統八十三年... 宣統八十四年... 宣統八十五年... 宣統八十六年... 宣統八十七年... 宣統八十八年... 宣統八十九年... 宣統九十年... 宣統九十一年... 宣統九十二年... 宣統九十三年... 宣統九十四年... 宣統九十五年... 宣統九十六年... 宣統九十七年... 宣統九十八年... 宣統九十九年... 宣統一百年...

大清宣統政紀卷三十九

宣統三年辛亥八月乙未朔諭內閣陸軍部奏陸軍第一鎮兵丁亟待退伍請飭查明熱河圍場放墾情形以資安插一摺著內閣歸入溥頤請以圍場仍歸熱河管轄前奏一併會議具奏又諭陸軍部奏查核八旗減馬增乾聲明請旨一摺著八旗都統會同陸軍部妥議具奏 又諭電寄雲貴總督李經羲電奏悉雲南迤西道陳貽範著外務部電飭迅速赴任毋稍延緩前據岑春煊電調高而謙未經允准著即剋期赴滇 又諭電寄湖南巡撫余誠格電奏悉昨已有旨緩調湘軍矣 陸軍部奏湖南巡防隊事宜應一律統歸督練公所辦理未便另設機關免妨章制從之 東三省總督趙爾巽奏日皇贈與奉天民政使張元奇交涉使韓國鈞道員祁祖彝直隸州知州王恩紹等勳章品物可否准其收受佩帶得旨准其收受佩帶 又奏

設奉天官報按照內閣官報辦理下內閣知之 浙江巡撫增韞奏浙省勘定圖書館地址及修葺行宮遺址懇請立案其行宮西首擬另闢圓式大門恭題皇家花園字樣得旨仍著恭題行宮字樣 江蘇巡撫程德全奏通籌民食擬標本兼治以救阡危謹舉及時補救大端一曰治江湖河海諸患以弭亂源也以江蘇而論在長江流域下游近年上游水患莫如洞庭湖之涸出日多面積日窄一經水漲橫溢遂不可收下游之鄂贛皖蘇沿江沿海之漲灘亦復不少居民築圩成田視爲己產始則水讓地而人咸趨之繼則水爭地而人復據之據之奈何繕完增培則堙之而已耳前查賑大臣馮煦有欲除江皖水患必治睢河之奏近江蘇諮議局有導淮之議爲今日計舍此亦實無下手之方且以工代賑貧民受益雖事非一省工非一時然不及今早爲則損失日甚治之之法先將沿江湖河海各省屬

地測繪爲圖俾形勢瞭如指掌然後求水所歸宿山阜當路者鑿之城郭受衝者遷之不與水爭地此治本所宜急者也一日實倉儲嚴米禁以備不虞也自海禁既弛米穀出口幾等於絲茶不知中國今日仍是以農立國農業不加益而米出口日多外洋價高則爭出糶稍有不繼則高價以糶入而受損無窮矣內地倉穀自各屬舉辦新政輒有糶穀存款以生息者值暘雨偶愆則倉穀無存或購米外洋或泛舟鄰省耗更甚於存息矣今宜切實籌議倉未建者速捐辦倉未實者速補還穀米止許內地流通民間廣種雜糧補助此治標所宜急者也下內閣會議具奏 丙申諭內閣總稅務司赫德於咸豐年間來華由粵海關副稅務司洵升總稅務司迭受先朝恩遇歷經賞加按察使銜布政使銜花翎頭品頂戴並雙龍二等第一寶星三代正一品封典太子少保銜前因病請假回國復賞加尙書銜該總

稅務司供職中國所有通商各口設關征稅事宜均由其經手
創辦以及辦理船廳設同文館赴各國賽會設立郵政經始規
畫悉臻妥協遇有交涉時備諮詢在中國宣力五十餘年深資
贊助茲據稅務處呈遞出使英國大臣劉玉麟來電遽聞溘逝
軫惜殊深加恩著賞加太子太保銜伊子赫承先著賞換雙龍
二等第三寶星以示優異 又諭都察院代遞法部主事張美
玉等以皖鄂江西等省之宿松等縣迭遭水患懇請籌款修隄
呈一件著張人駿瑞澂朱家寶馮汝駿按照所呈各節分別查
勘妥籌辦法據實具奏原呈著鈔給閱看 又諭電寄福州將
軍樸壽等電奏閩省橋捐滋事會商地方文武竭力防範以保
治安等語知道了 命鑲藍旗蒙古都統張德彝外務部左侍
郎胡惟德民政部右侍郎林紹年都察院副都御史朱益藩充
考試游學畢業生主試官 雲南提法使沈曾桐修墓開缺以

雲南臨安開廣道龔心湛爲雲南提法使 予故成都將軍前
伊犁將軍馬亮於伊犁建立專祠並將戰功事蹟宣付史館立
傳從署伊犁將軍廣福請也 丁酉諭內閣電寄署四川總督
趙爾豐電奏悉省城現已解嚴人心漸覺安定辦理尙爲迅速
將士踴躍用命洵屬可嘉所有被擾地方著即妥爲撫輯俾得
各安生業其溫江雙流兩縣匪勢尙盛仍著趙爾豐督飭軍隊
早日擊散務須分別民匪毋使稍有株累 浙江巡撫增韞奏
浙省禁煙事宜前經提前趕辦現計本年溫台兩府犁除煙苗
三十餘萬畝杭嘉湖金衢嚴寧處八府犁除八千八百餘畝較
前屆數已大減紹興府私種已絕官員在差缺者由該管長官
出具考結無差缺者由同鄉官出具保結如有形跡可疑者由
禁煙公所調驗商民人等飭各廳州縣設立分所並官立戒煙
局惟溫台等處急宜籌善後之策現飭改種小麥暨菜子等類

並由富商設磨麥榨油公司收買以廣銷場下部知之 以庇
胥得賄縱匪戕官革浙江瑞安縣知縣金漢章職 予因公被
戕浙江候補府經歷汪錫麒優卹 戊戌祭

大社

大稷遣莊親王載功恭代行禮 諭內閣內閣奏接收吏部保案卷
宗查有可疑情形請旨撤銷澈查懲辦並繕單呈覽一摺著依
議 又諭電寄署四川總督趙爾豐電奏雙流防軍已將彭家
場攻開斃匪甚衆溫江崇慶之匪佔踞要隘新津彭山兩縣已
爲匪踞地方官皆被幽禁成屬各縣幾於無地不匪各州縣亦
紛紛告警地廣兵單當通飭各屬每州縣招募練勇二三百名
以資防守薪餉准其作正開支等語現在匪勢尙甚猖獗著趙
爾豐飭知田振邦嚴飭軍隊節節進行迅速撲滅毋任蔓延
又諭電寄督辦粵漢川漢鐵路大臣端方電奏悉頃據趙爾豐

電奏溫江崇慶之匪一時尙難攻克新津彭山兩處又爲匪踞西南兩路文報日久不通已咨商提督田振邦親赴雙流督師前進並飭各州縣添募練勇以資防守等語已飭趙爾豐督飭軍隊迅速撲滅川省匪衆兵單該大臣仍即督率鄂軍前進毋稍延緩致誤事機 又諭電寄出使俄國大臣薩蔭圖電奏俄皇特贈金煙匣一具應否收受等語著准其收受 法部奏大理院刑科四庭民科二庭每庭以推事五人分理民刑維時開辦伊始京外高等以下各廳未立大理院兼辦現審故刑科員缺獨多現京外各級審判廳均已舉辦上訴案件日增而宗室覺羅民事訴訟又復統歸民科審判事繁缺少現大理院請將刑科第四庭改設民科第三庭俾敷分布從之 甘肅新疆巡撫袁大化奏遵籌伊新全局查馬亮長庚奏主改設總督以一事權升允聯魁奏主甘新聯爲一氣無取更張 臣維新疆當雍

乾間立軍府於伊犁至同光回亂初平改置行省自表面視之
巡撫有統治全疆之責自內容言之將軍參贊有專理蒙哈部
落之權夫使畫分疆理明定權限則責有專歸亦無不可無如
內則練兵察吏未可紛歧外則交涉通商深虞滅裂況伊塔沿
邊與俄毘連若我先分其勢必至爲人所乘則長庚等之言誠
是也惟臣查分省之始左宗棠原議督撫並設劉錦棠則以新
疆孤懸絕域請統隸甘肅兼轄資以爲援則升允等之言亦是
也權衡於二說之間竊以爲不設總督則一國三公然改設之
後必將離甘肅獨立又恐徵兵籌餉呼應不靈計不如將伊犁
將軍塔城參贊新疆巡撫一併裁撤改設新疆總督兼管巡撫
事仍以迪化爲治所漢旗並用凡滿蒙旗務請照馬亮原議裁
去領隊各員留伊犁塔爾巴哈台兩副都統歸總督節制其甘
新兩省提鎮司道以下各員仍照舊兼隸甘督轄屬以示聯絡

既收統一之功仍不失聲援之助實於吏治財政兵事邊情大有裨益至另設南疆巡撫一層似應緩議下內閣會議具奏

予新疆補用副將李學文優卹如軍營立功後積勞病故例

己亥諭內閣御史麥秩嚴奏廣東革黨窺伺請嚴治盜賊以防勾結一摺著張鳴岐按照所奏各節體察情形酌派兵隊扼要分紮嚴行緝捕毋任勾結以靖地方並將辦理情形據實具奏原摺著鈔給閱看 大學士陸潤庠奏曲阜新設學堂諒學部

大臣必有提倡正學掃除異說之舉惟習俗相傳深恐漸入歧徑萬一雜聘外人異言異服屢居孔氏之門將來聖教漸滅亦朝廷之憂也請飭學部大臣會同山東在京諸大臣另行妥訂專章奏明辦理下學部議 庚子郵傳部奏京奉鐵路展綫辦法由工程司孫多鈺會同署奉天交涉使許鼎霖與日領事在奉會議擬訂協約八條呈部候核查其所擬大旨係南滿綫與

京奉延長綫交叉之處由南滿會社將南滿鐵路提高建橋南滿車輛由橋上越過京奉車輛由橋下平過京奉鐵路與南滿車站聯絡處除原有曲綫仍留外僅於交叉之處添設一聯絡複綫彼此分界建造管理惟南滿改築及建橋需費估值日金二萬四千圓應由京奉路局給予補助至京奉車輛必須經過南滿車站者則以快車通車爲限一切辦法詳核尙無窒礙因飭許鼎霖孫多鈺在奉簽定總計此案相持數年在我援據協約竭力磋磨在彼要挾多方叢生枝節揣其用意無非藉詞延宕阻我展拓之謀此次接續商議自宜抱定宗旨既不可過讓致損主權尤不容久延貽誤路務現在協約已定從此定限興修既得擴交通之機關亦互收聯絡之利便依議行 辛丑諭

內閣順天府奏擬裁大宛兩縣並酌裁霸州密雲二州縣併歸四路廳直轄一摺著內閣議奏 又諭電寄署四川總督趙爾

豐據電奏溫江崇慶雙流仁壽各州縣匪徒竄擾並連日官軍與匪接仗情形等語該督派出軍隊分頭擊匪辦理尙爲得手仍著趙爾豐嚴飭各將弁迅速相機剿辦毋任日久蔓延趙爾豐身任封疆剿撫是其專責鄂黔援軍不日陸續到川前已有旨均歸該督節制調遣各軍到後聲威所樹當不難漸就廓清仍一面剴切曉諭妥爲解散以免株連 又諭電寄江皖查賑大臣馮煦據電奏查勘上江之當塗等五州縣周圍六七百里皆成巨河巨鎮傾圮廬舍漂蕩下江灾情以揚鎮常所屬爲重蘇通次之雖較輕於皖而產米之地盡付波臣至徐之邳睢宿海之海流贛淮之安清桃皖之泗宿靈凡十二州縣續有新灾各等語江皖灾區日廣灾情愈重情形極爲慘苦殊深憫念著馮煦會同各該省督撫等督飭員司加意賑撫毋任失所所需賑款並著各該省督撫與盛宣懷協力通籌必須廣爲籌備以

濟急賑惟秋冬以後災區尙難耕作應如何以工代賑之處著
即預爲計畫至江皖與豫東兩省交界之區素稱盜藪近以洧
饑匪徒肆劫飄忽無常前已有旨飭張人駿程德全朱家寶孫
寶琦寶棻會同勦辦仍著認真督飭地方文武切實辦理以靖
閭閻 又諭電寄山東巡撫孫寶琦據電奏東省災區太廣需
款甚鉅擬就東省官紳勸募捐款分別請獎專歸本省賑撫之
用等語著度支部議奏 內閣奏京員經各直省督撫奏調辦
學擬准保獎京職從之 壬寅諭內閣慶親王奕劻奏職任重
要精力難勝懇恩開去差缺一摺該親王雖年逾七旬精力尙
健值此時會艱難百端待理又當憲政進行之際正賴老成碩
望翊贊新猷該親王夙著公忠亦斷不能忘懷時局也所請開
去內閣總理大臣管理外務部差缺著毋庸議 又諭電寄督
辦粵漢川漢鐵路大臣端方據電奏遵陸前進計初九日可抵

夔州府鄂軍已過巴峽黔軍日內到渝等語知道了 又諭電寄陝甘總督長庚電奏成縣小川鎮一帶有團民傳帖糾約播種冬煙經縣拿獲團首李練章交差看管該處刁民膽敢聚眾打毀巡警局紳房屋擁至縣城拆毀班房將李練章搶回等語禁種關係緊要必須嚴行查禁愚民狃於積習屢次抗違於禁煙前途大有妨礙著即派委妥員馳往彈壓解散毋任滋事首要各犯並著嚴拿懲辦以警效尤 郵傳部奏川粵漢鐵路收歸國有款鉅工長必資借款此次所訂四國銀行合同係照張之洞原定之數皆在湘鄂境內而草合同內已允之荊宜枝路特令刪除留歸鄂省商辦騰出此款以抵鄂境幹路宜昌至夔州一段極難工築川粵兩省並未借款初經會議因恐商辦各省不願退股則拒款尤力故必先儘其附股而緩借外債今湘鄂雖附股皆出自願張鳴岐來電粵商似皆願領現銀並謂不

宜即指粵路以借外債致滋口實川公司總理李稷勳前次來京面商欲求全領國家股票保守桑梓血本而屢次電商川督究應如何辦法復電初則專指合同爲不然繼則無暇計及路事其不能即指川路借款更無待言此次奉諭旨交議沈秉堃岑春煊先後所請全還現銀四川一省如此粵湘鄂三省亦必連類而及現在會籌總以符合歷次之諭旨爲宗旨仍當附股發銀二者兼籌各聽其便但必須預備全數發銀一著以免爲難且此次還款擬請以各該公司所收之股分爲應還實數不再問其支款則其所有虧耗倒帳實已一概認還惟其股分之外粵省尙有列收存息路餘溢水各雜款銀二百三十七萬餘兩張鳴岐來電已允剔除以抵虧耗其實股本以外本無再有認還之款川省王人文來電亦有列收生息及雜收銀三百三十餘萬兩皆在股本之外似與粵省無異論理既已照數全還

股本則此外各該公司列收列支皆不應問至建造粵路據報存款垂罄即須由部籌撥鉅款接續工程方不延誤其張之洞所借續約之香港英鎊陸續到期亦應籌的款分別歸還似此數端皆萬不能緩不得不一併預籌統計至少三千萬兩方能應目前之急度支部郵傳部庫空如洗除借款實無他法儻即以川粵鐵路明借外債該會黨愈必借口鼓惑臣部與度支部熟商惟有暫不指明川粵鐵路但以郵傳部出名籠統商借英金四百萬鎊仍照五釐九五扣暫以京奉路餘利爲實抵仍由度支部不拘何省另指進項爲虛抵得此鉅款雖川粵省均不願領國家股票皆索現銀亦不致臨時貽誤綜計借款五釐九五扣科合僅及五釐半比較國票每年應給商股六釐常息尙屬有盈無絀且毋庸分紅是將此借款對抵商股並不喫虧如蒙俞允即與銀公司銀行等妥速籌議再會同度支部議訂合

同請旨辦理得旨著該部議奏 護理陝西巡撫布政使錢能
訓奏陝省禁煙現當秋種之期經訂定禁煙切實方法分派員
紳清查履勘並設禁煙分會以爲之助嚴定功過俾不敢再涉
敷衍致蹈前轍得旨著俟楊文鼎到任後體查情形妥籌辦法
再行具奏 出使英國大臣劉玉麟奏上年赴英時途經新嘉
坡檳榔嶼等處見華僑商業甚盛出品以南洋植物居多然運
往歐洲未可決其獲利者以仰歐人鼻息故也今就諮詢所及
謹杼管見四條一請設大清銀行分行於英國倫敦一請頒航
業獎勵補助法並提倡組織海軍義勇隊一請設中華商品陳
列所於各國都會暨通商大埠一請設萬國博覽會於京師下
內閣會議具奏 賞駐華北方法國軍隊統帶協都統貝拉閣
河南優級師範學堂日本教員飯河道雄寶星 癸卯

太宗文皇帝忌辰遣官祭

昭陵 諭內閣御史溫肅奏官員秋冬俸米可否飭部提前兩月頒

發等語著度支部知道 內閣奏內閣屬官一廳四局前因開辦伊始於裁併各衙門現有人員酌量留用復添調各項人員試辦三月尙無貽誤查承宣廳所管事項原係舊日軍機處職掌又益以辦理會議及全閣文牘會計從前章京員額無多勢難再減此外添調通曉計學人員一員專辦會計制誥局敘官局原係舊日內閣吏部職掌均酌留舊員十分之二制誥局又有吏部外務部陸軍部劃撥事項隨送人員亦分別酌留統計局印鑄局原係舊日憲政編查館職掌統計局原有兼差人員多已回原衙門所餘員數不敷分布不能不量予調用印鑄局除原有十數員外酌量添調並留有禮部隨事撥送數員總計留調人員尙資得力擬請留閣任用再行酌定額缺分別等第奏明辦理此次調用各員俟補缺改官後開去底官從之 以

藉詞防疫有意弊混革直隸候補五品警官溥汝勤職 甲辰
宣宗成皇帝誕辰遣官祭

奉先殿 諭內閣電寄督辦鐵路大臣端方電奏悉所陳布置情形

尙屬周妥江防最關緊要著即飭令所派軍隊迅赴事機扼江
駐守嚴密防範毋使匪徒乘虛下竄庶剿辦易於著手仍將籌
辦情形並確探滇界有無蠢動隨時電奏 直隸總督陳夔龍

奏直隸綠營經歷任督臣一再裁改上年復由臣酌裁官弁十

分之三現計各標向存官弁一千零六十三員馬步守兵一萬

二千五百七十四名歲需廉俸餉乾雜支銀三十四萬八千六

百餘兩內除馬蘭秦寧兩鎮內外標兵及提標昌平營所屬汛

兵責任綦重未便議裁者應由臣咨會各就原有餉項將營制

設法組織並將酌留之昌平營官兵劃歸秦寧鎮管理此外督

標提標通永天津正定大名宣化各鎮標計共存官弁七百一

十員馬步守兵六千六百八十名除提督一缺另請旨外餘悉裁撤每年約節銀十萬兩現經附片奏明請撥給古北口添練巡防隊兩營薪餉等項下存銀兩另儲備撥直隸擴充陸軍的餉向來綠營專管之守台換防護餉解犯啟閉城門等事即改歸各該處巡警及巡防隊擔任擬請以本年九月底爲實行裁撤之期都守以上各官暫緩兩月開缺令辦理裁兵後事宜所裁之總兵以下各官弁給予一年恩俸廉餉署事減半各營兵丁書記人等亦給一年恩餉官弁中如有年力富強者或用之於陸軍巡警巡防隊凡經委用各弁兵即不給恩俸廉餉所裁官兵恩俸廉餉暫由司庫挪墊將來由裁缺後節存俸餉項下扣還所有各營汛衙署操場廠地及關防鈐記軍裝器械馬匹等件俟裁撤事竣按冊點收造報附屬綠營之在額世職所有世俸照舊支給此後無標可歸由督練公所擇派入學堂肄業

或發各防營差委其部派之武進士武舉隨營學習期滿支俸者亦一律於九月底裁撤給三箇月恩俸從之 又奏直隸提督姜桂題秩崇望著應如何辦理未敢擅擬所有通永鎮總兵官田文烈天津鎮總兵官張懷芝正定鎮總兵官徐邦傑大名鎮總兵官李進才宣化鎮總兵官黃懋澄原兼統准練各軍裁缺後應分別專令統帶准練各防營仍在舊駐處所督理操防事宜得旨直隸提督著暫緩裁撤餘照所請 又奏直隸准練巡防各軍擇要駐防歷有年所現既將綠營全裁所有保衛閭閻彈壓地面巡護鐵路緝捕盜匪各事皆惟巡防隊是賴一旦裁汰微論兵力不足鎮懾地方頓形空虛即同時遣散多人亦慮失所滋事惟有請將准練巡防各營悉暫仍舊 又奏古北口向爲巖疆重鎮該處土著多係制兵後裔專恃食糧爲業上年荒歉人心浮動聚衆至數千人當經賑糶兼施幸未滋事惟

邊關重要貧瘠著稱若不預爲籌防深慮游民句結匪徒致爲地方隱患擬於古北口募練巡防隊兩營專就土著選充按照新章編練其常年薪餉及開辦費即由裁撤綠營節省項下照數撥支均從之 乙巳

太祖高皇帝忌辰遣官祭

福陵 諭內閣電寄督辦鐵路大臣端方電奏悉此次軍行迅速尙屬可嘉仍著端方激勵將士督隊遄行並沿途宣布德意剴切曉諭早釋羣疑又諭電寄辦理四川勦撫事宜岑春煊電奏抵鄂感受風熱觸動舊症萬難前進請開去差使等語岑春煊著賞假調理暫緩赴川度支部會奏 臣部暫管預算事項比照會議政務處奏定宣統三年預算案分配應列銀七百八十萬餘兩惟皇室事務隆重現皇室經費未定宣統四年預算自應寬爲籌備計歲入分配之數共列庫平銀八百三十八萬三千五

十七兩較三年實增五十八萬餘兩查日本預算案首列王室經費但有總數不列細數國會不得置議本年試辦宣統四年全國預算自應仿照辦理現由臣部將京外衙門造送暫管預算表冊彙訂計經常臨時歲出庫平銀一千零二十四萬六千九百七十四兩較宣統三年增銀二百四十四萬餘兩以歲入分配之數相抵尙不敷銀一百八十六萬三千九百十七兩此項均關皇室事務非臣等所敢擅議削減謹按原報數目繕具總冊暨比較總表呈覽從之兩江總督張人駿奏江甯調查局係光緒三十四年設立於本年五月截止將所辦案檔移交統計處釐定辦事章程二十二條全省統計應辦法制即責成該處科長各參事辦理自七月起每年劃定經費銀九千六百兩閏月照扣下所司知之湖廣總督瑞澂奏鄂省綠營業經裁汰所有綠營田地產業及臺壘營房馬廠各基地前准陸軍部電

開應查明變價以備擴充新軍惟鄂省各屬城治各級審判廳及府治應設之地方監獄遵照法部章程概不建造就裁廢官署修改監獄雖應特建亦以廢署官地撥用現經各屬調查有可就官署改辦者有須撥營署操場修建者若營署操場屬於軍費範圍則須另行購地建築爲費不貲茲擬先就別項官署官地撥用如實無相當之處始酌用營署操場下部知之 廣西左江鎮總兵李永芳因病解職以龍觀光爲廣西左江鎮總兵官 命翰林院編修夏壽田等調歸四川差遣從督辦粵漢川漢鐵路大臣端方請也 以延欠公款已革湖北通城縣知縣熊家琪籍產備抵 豁免雲南寶寧被旱地方應徵秋糧蠲緩寧嵩明蒙自建水四州縣被水地方錢糧 丙午諭內閣電寄署四川總督趙爾豐據電奏署重慶府知府鈕傳善彈壓匪黨動協機宜練勇籌防深資得力擬請暫留署任俟軍事平定

再飭赴滇等語著照所請 又諭電寄貴州巡撫沈瑜慶據電
奏黔軍到川尙無一定處所究應駐紮何處等語著趙爾豐察
看匪勢酌定該軍駐紮處所隨時相機調遣 兩江總督張人
駿奏參酌外省官制遵陳管見查地方官制東西列國不同其
大別有二一曰中央集權一曰地方分權大抵各因其地勢國
情歷史沿革而異衡之我國情勢均未恰合中國疆域之大爲
各國所無俄之大乃兼藩服言之本土實小於中國且各國交
通便利故可純用中央集權中國則不能若全國千餘州縣皆
直隸京師勢必渙散無紀是極端中央集權不可行也至西國
聯邦制度各邦自有政府上國僅同盟主純乎地方分權中國
仿行之將如唐末藩鎮有尾大不掉之虞是極端地方分權亦
不可行也我朝督撫專封疆之任而一切行政各部有監察制
裁之責司道府縣節制於督撫而仍考核於部臣內外相維上

下相應法至善也今將實行立憲亦祇宜量加損益不可過事更張竊謂今日釐定外官制所應申明者約有數端一曰督撫權限我國疆域廣遠疆臣奏事不能直達必至貽誤事機今應申明一切具奏事件悉仍舊制通則所擬軍政仍責在督撫然有爲中央集權之說者欲將外省軍政直隸內部將領不歸督撫任用節制一旦有事緩不濟急今應申明督撫有調遣兵隊節制進退將領之權至外交雖統屬於外部然通商游歷傳教皆在外省遇有事端若在外了結可免國際交涉今應申明督撫有辦理本省外交之權二曰司道分合外省之有會議廳猶內閣也司道各本署猶京各部也事關全局不能不聚而合議事屬專司不能不退而考求今應申明司道於全局之事在會議廳合辦專司之事在本署分辦三曰道府存廢通則無守巡道有府州縣而其第十七條云如距省較遠之地必須有大員

鎮懾者可設兵備道專管督捕盜賊調遣軍隊事務是道亦酌留也現在附府首縣業已奏裁令知府自理民事今應申明裁去守巡道遼遠者酌留一二府理民事仍兼管所屬州縣四曰審判辦法行法首重宜民鄉民習知州縣衙門爲其本管若別設法庭易滋疑慮如建洋式房屋尤予藉口竊謂地方審判廳皆宜以原有州縣衙署改設別給州縣官以屋舍至州縣爲地方行政官雖不應干預司法權而有地方治安之責若兼任檢察一職既可省費亦以安民此又當申明者也五曰地方自治實行監督近日鄉民多因自治與士紳爲難仍賴地方官平亭剖決以習於信嚮故也查自治章程地方官爲監督有糾正檢察解散撤銷罰辦治罪之權又有執行之權此又當申明者也得旨內閣會議具奏 又奏州縣爲親民之官然必有以贍其身家乃能責其盡職酌擬官俸以應就地方情形統籌出入庶

民無擾累而官免虧賠此事似小而實大也下內閣議 江南提督劉光才因病解職調甘肅提督張勳爲江南提督以裁缺天津鎮總兵張懷芝爲甘肅提督 以延欠公款已革署河南原武縣知縣周維清逮追籍產 予故江西南贛鎮總兵邱俊鳳優卹如軍營立功後積勞病故例 丁未

高宗純皇帝誕辰遣官祭

奉先殿 諭內閣典禮院會奏遵旨編製國樂專章一摺聲音之道

與政相通前因國樂未有專章諭令禮部各衙門妥慎編製茲據典禮院會同各該衙門將編製專章繕單呈覽聲詞尙屬壯美節奏頗爲叶和著即定爲國樂一體遵行詞曰鞏金甌承天幃民物欣臯藻喜同袍清時幸遭真熙皞帝國蒼穹保天高高地滔滔 新疆巡撫袁大化奏新疆人才缺乏司法行政官長多不及格定章民事刑事須由地方審判呈訴不能判結再赴

高等審判呈訴如高等審判亦不能判結須赴京師大理院呈訴新省去京萬里窮民無此財力以至積案纍纍無可控告擬請飭部設法通融遇有各處審判廳不能審結之案准由提法使就近提審下所司議 以醉毆鬧署革新疆署高等檢察長張培愷職 戊申諭內閣都察院代遞盛京八旗滿蒙漢兵聯甲等請就原有隨缺伍田妥擬章程以安生計呈一件著趙爾巽按照所呈悉心體察實在情形妥擬辦法詳細具奏原呈著鈔給閱看 又諭電寄署四川總督趙爾豐據電奏本年九月爲諮議局常會之期照章應行召集現在省外匪徒擾竄各路梗阻軍事正當吃緊議案亦未及預備應如何辦法請旨遵行等語著俟軍事稍定道路通暢由該署督察酌情形即行召集開會 都察院奏釐訂法規先撮舉大要編成總綱十章曰訓典曰官制曰規諫曰彈劾曰條陳曰奏請曰監察曰稽核曰研

究曰考選謹繕呈進報聞 予故前兵部尙書徐用儀於原籍
浙江海鹽縣建立專祠 已酉諭內閣電寄兩江總督張人駿
電奏江蘇綠營現存無多寧省巡防馬步隊止三十三營分防
至千餘里之遙刻下鄉鎮巡警尙未普辦均難率議裁減請悉
照上年五月奏案辦理等語該督所陳各節自係地方實在情
形著照所請該衙門知道 又諭電寄署四川總督趙爾豐據
電奏近日勦辦新津等處匪徒情形並黔軍已到永川分紮瀘
敘鄂軍已抵夔州邊軍聞到雅州被匪截阻並有滇屬鎮雄州
匪竄擾川境等語現在川省匪勢仍未稍減雖官軍時有擒斬
而此伏彼起既散復聚蔓延愈廣殊屬可慮著趙爾豐督飭各
軍分路認真勦辦並催鄂軍迅速前進如兵力實有不敷准其
再行添募數營以資分布一面仍行設法解散撫輯良民毋任
到處裹脅使匪勢漸孤辦理較易得手其竄擾川邊滇匪應即

嚴飭防堵並著李經羲督飭滇邊防軍會剿堵截免致勾結仍各將辦理情形隨時電奏 庚戌諭內閣內閣會奏遵旨整頓國稅擬設京外鹽政專官酌訂官制繕單呈覽一摺前因各省鹽務疲敝特派大臣督辦以資整頓惟事體重大頭緒紛繁非設立專官無以收挈領提綱之效著即將鹽政院官制頒布以鹽政處改爲鹽政院全國鹽務均歸管理以一事權而重責成另片奏兩廣鹽政公所暫行酌留山西省北鹽局淮南揚子總棧均暫仍其舊陝甘花馬池等處鹽務委任該省藩司或統捐局暫行兼辦等語著依議又奏今日鹽務難於整理者其故有二一在各省自爲風氣不能祛官與商弊蠹一由各省自保藩籬不能謀國與民公益是以銷數則彼此懸殊引地則動成爭執自非改定鹽政官制設立專員不可舊制設官皆注重於產運銷三項故長蘆山東兩淮兩浙兩廣各運司河東四川雲南

各鹽道以司產運河南陝西甘肅湖北湖南江南江西廣西各鹽道以司岸銷皆受成於鹽政軍興以後各省多設督銷官運等局運司之權既分而鹽道尤成虛設故河南江西陝西各鹽道均經奏裁以藩司及巡警道兼之湖北湖南廣西各鹽道則名存實去甘肅寧夏道平慶涇固化道原兼管鹽法而現在並不知有鹽法之職務即江南鹽巡道亦僅管江寧食岸銷數至各省督銷總辦多係一年瓜代賢者循例奉公不肖者侵蝕虧累外此官運各局及分銷以下各員司品流糅雜職事叢脞弊更不可究詰尤甚者湖南之川粵鹽捐湖北之川鹽釐金江西之粵鹽口捐河南之潞鹽東鹽加價均由行鹽省分派員設卡徵收而主管產運之運司鹽道及督銷局不能過問他如陝西甘肅所收花馬池等處鹽釐鹽捐加價或歸藩司或歸統捐局並無專官經理竊思國家歲征鹽稅同治以前不過一千一二

百萬兩光緒季年增至二千八九百萬兩及試辦宣統三年預算各省鹽務收入乃增至四千餘萬兩與地丁錢糧相埒夫丁糧則有二十餘藩司督徵於上千數百州縣經征於下而鹽務乃散漫至此自非酌訂官制特設京外鹽務專官統一事權明定責任不爲功臣等公同酌議擬請將督辦鹽政處改爲鹽政院設鹽政大臣一員管理全國鹽政統轄鹽務各官設鹽政丞以襄理離綱廳長以承宣政令參議參事以佐擬法制僉事錄事以執行事務其在外省則於產鹽區域設正監督於行鹽區域設副監督各置屬官分司權政此京外鹽官編制之大略也全國鹽務必須提挈綱領以總其成分劃區域以專其任擬於鹽政院設總務廳及南鹽北鹽兩廳總務廳掌機要銓敍會計收發並籌擬鹽法編訂章程即以督辦鹽政處原設之鹽務總廳及庶務廳改設南鹽廳掌淮浙閩粵鹽務即以原設之兩淮

兩浙閩粵三廳改設北鹽廳掌奉直潞東鹽務川滇附之即以原設之奉直潞東川滇三廳改設其長蘆山東兩淮兩浙兩廣及新設之奉天改設之四川各運司均改爲正監督河東福建雲南各鹽道直轄場產一律改爲正監督淮南之鄂湘西皖四岸暨淮北各督銷局並湖北宜昌川鹽釐局均改爲副監督江南鹽巡道原管江寧食岸督銷而金陵下關又爲掣驗鄂湘西皖四岸鹽船之所地勢頗爲扼要擬將該道改爲淮南江岸副監督管理江寧食岸督銷並大通以下揚子棧以上掣驗緝私事宜粵鹽由廣西至湖南貴州雲南等處地方遼闊擬將桂平梧道所管鹽法劃出另設廣西副監督管理廣西湖南等處粵鹽督銷緝私事宜滇黔官運川鹽事繁款鉅擬另設四川滇黔邊計副監督管理滇黔官運川鹽事宜陝甘之大小花馬池等處產地甚多銷路甚廣擬特設副監督以資管轄惟事關創舉

應俟調查明確再行請設所有湖北武昌湖南長寶廣西桂平
梧州甘肅寧夏平慶涇固化各鹽法道均撤去鹽法字樣河南江
西藩司陝西巡警道亦均無庸兼管鹽法其河東福建雲南江
南等鹽道原兼分巡兵備船廠稅關清軍水利事宜應由該省
督撫奏明另歸實缺司道兼管以免牽混此又京外鹽官規定
職掌及現時改設之情形也當此官制未頒等級未定京外鹽
官擬暫以原品治事惟正副監督擬暫定爲正三品正四品均
視京秩以重事權以原有之差缺酌設實官以原有之薪俸勻
定公費事權旣一責任以專謹將擬訂鹽政官制繕單呈進經
此次改訂後凡關於鹽務用人行政均屬鹽政大臣專責各省
督撫毋庸再兼會辦鹽政大臣及會辦鹽政大臣銜惟鹽務與
地方關繫事件仍由各省督撫飭屬辦理再此項官制內丞及
廳長以次名稱地位及簡任奏任各官辦法俟各部官制通則

頒布後如有歧異均改歸一律以重憲政得旨前因各省鹽務疲敝特派大臣督辦以資整頓惟事體重大頭緒紛繁非設立專官無以收挈領提綱之效著即將鹽政院官制頒布以鹽政處改爲鹽政院全國鹽務均歸管理以一事權而專責成 又奏兩廣鹽政公所爲加承薪餉而設係官督商辦機關與尋常局所不同擬請暫行酌留將原設正副監督改爲總辦幫辦以示區別其山西省北鹽局開拓廢岸區域遼關淮南揚子總棧當內河外江之交爲淮鹽總匯之地擬請將原設該局該棧總辦暫仍其舊俟將來察看河東兩淮正監督能否兼顧再行歸併辦理至陝甘花馬池等處鹽務現既緩設監督所有徵收鹽釐加價等項事宜應由鹽政大臣委任該省藩司或統捐局暫行兼辦仍專案報明鹽政大臣查核庶於變通辦法之中不失統一事權之意從之 又諭內閣會奏協議宣統四年全國預

算一摺著依議內閣奏竊據度支部咨稱現據京外送宣統
四年全國預算表冊計國家經常臨時歲入共銀二萬二千八
百五萬十兩地方經常臨時歲入共銀二千五百二萬七千一
百四十五兩除由本部詳細覆核釐正款目編製全國歲入總
預算案外並遵將上年十二月間會議政務處奏定宣統三年
歲出總數分別各主管預算衙門所管事項從新編製其有國
家歲出與地方歲出應行互相撥正款目均各以類從劃分列
表統計國家歲出經常臨時共銀二萬一千三百八十八萬八
千三百六十兩地方經常臨時歲出共銀四千五十八萬八千
六百四十三兩出入相抵計國家行政經費盈餘銀一千四百
一十六萬一千六百五十五兩地方行政經費不敷銀一千五百
五十六萬一千四百九十八兩由國家盈餘項下劃補地方之
不敷不能增籌歲入自無從議加歲出等因到閣臣等一再協

議以爲今我國所最困者財源則年減一年國事轉日增一日欲使國事可以進行而財源足以相濟揆諸情實其道大難今度支部所擬各節實於左支右絀之中勉爲兼顧並籌之計擬即照度支部所擬分配辦法由臣閣咨行度支部編成全國預算以重國用而符定章從之 又諭直隸總督陳夔龍電奏比君主贈交涉使王克敏等寶星應否准收等語著准其收受 又諭電寄督辦粵漢川漢鐵路大臣端方電奏行抵萬縣接據各路軍報及布置各情形知道了昨據趙爾豐電奏川省匪勢此伏彼起蔓延可虞有旨飭趙爾豐督飭各軍分路勦辦並准添募數營以資分布仍著設法解散撫輯良民毋任到處裹脅端方所陳自流井井竈工徒人衆財豐極宜注重所慮甚是現在川北川東等處既據探稱尙無匪蹤則道路必無梗阻端方應立即赴省與趙爾豐妥籌布置一切事宜至前調粵軍已飭

暫緩赴川並已有旨著瑞澂余誠格於湘省軍隊內撥調兩三營赴援以厚兵力端方到成都後趕將路事安速籌議具奏

又諭電寄四川總督趙爾豐據電奏新津剿匪情形並以兵力不敷分布請調湘軍援川等語著瑞澂余誠格於川湘接近之處酌量選派得力湘軍兩三營迅速赴川以資策應暫歸端方趙爾豐節制調遣 又諭電寄兩廣總督張鳴岐電奏悉現已調撥湘軍援川所有由粵派往軍隊是否已經抵滬著即回粵暫緩入川 又諭電寄江西巡撫馮汝駿據電奏贛省防地遼闊兵力單薄伏莽孔多所有防營未便再議裁減等語著照所請 民政部奏本年正月臣部於內外兩廳另編設偵緝隊現因人心浮動令其專司緝捕另編一隊名曰警備額設一百二十員名遇事即責成內外廳丞不分畛域會同督飭該隊辦理 又奏酌擬推廣京師外郊巡警均從之 命度支部大臣載

澤兼任鹽政院鹽政大臣 辛亥諭內閣電寄東三省總督趙爾巽電奏本月十七日由奉起程赴黑龍江吉林巡閱等語知道了 又諭電寄湖廣總督瑞澂電奏悉現已調撥湘軍援川所有由粵派往軍隊昨已有旨飭令回粵矣 又諭電寄兩廣總督張鳴岐電奏粵省伏莽潛滋就現有兵力防範鎮懾已覺難周請將防綠各營預算仍照原冊開列概免裁減等語所有防營著暫緩裁減其綠營官兵應如何裁減之處著陸軍部議奏 御史張瑞蔭奏自學堂興而師道廢今亟宜於學堂添設師位選經明行修之士正名曰師與學生行師弟禮專主講論六經漢宋諸學及修身治國之本不率教者屏斥此事關繫天下萬世甚重若由學部議恐其拘牽外制伏懇獨斷施行下學部知之 護理山西巡撫布政使王慶平奏晉省財賦每年司庫收入地丁釐稅一切正雜各款僅銀四百五六十萬兩在五

六年前出入尙可周轉自預備立憲各項新政經費數萬至數十萬不等向之可周轉者已覺騰挪乏術馴至京協各款積欠一百五十餘萬乃近閱逐年籌備清單及分年籌備未盡事宜又皆不容緩之事而其中尤以各級審判廳需費爲最鉅核計晉省如一律成立常年需費一百六七十萬兩至地方自治又二三十萬此外不列清單內之新軍實業等項又皆事繁費鉅晉省地瘠民貧農家常有通歲無米鹽入口者若遇水旱災荒更何堪設想而今且以舉辦各項新政按畝加捐一再不已甚且抽及日用瑣屑之物煙酒牲畜各大宗而外幾於無物不捐晉俗雖號馴良然荒歉連年南路會匪口外馬賊潛滋竊發若再誅求不已激而生變恐利未集而害先形也擬請飭下內閣通盤籌畫或照部臣疆臣原議酌分緩急就款辦事或按宣統四年試辦全國預算辦法酌盈劑虛量事撥濟下內閣會議具

奏 又奏晉省綠營照三年裁盡之議本年應裁三成之一惟該兵丁多分駐邊隘春融後乃可撤防擬暫留兩鎮兩參將及世職等項此外一律裁遣向來裁撤營伍均給恩餉擬官弁加給三個月兵丁兩箇月昨接陸軍部電四年預算綠營除世職外全裁但晉省現留數項均經再三籌度未能遽裁太原大同兩鎮均係特簡大員且又兼防軍所駐平陽大同兩處皆南北要隘距省較遠兩鎮位望較崇亦可藉資鎮壓兩參將均駐省城時有委辦事件此時暫行存留出缺不補終歸裁盡世職自應免裁以符部議被裁弁兵如才力可用准其投入巡防隊俾免廢棄致貽後患下所司議 壬子諭內閣郵傳部會奏遵議西潼鐵路收歸官辦一摺著依議 又諭趙爾豐電奏摘錄川省逆紳商榷書及同盟符先行具陳等語其中語多悖逆顯係蓄謀已久甘心作亂非惟爲川省治亂所關實爲全局安危所

繫若不澈底查明將罪狀明白宣示其何以塞川人之口而釋天下之疑著端方按照所奏各節逐一確切密查毋稍含糊遷就並不准預存成見希圖見好川人此事所關甚鉅務須將其內容悉數抉露毋留若輩藉詞遁飾之地步以憑秉公辦理並將查辦情形詳細奏聞原電奏著鈔給閱看將此由六百里諭令知之 又諭電寄督辦粵漢川漢鐵路大臣端方電奏悉所籌各節甚合機宜已電諭趙爾豐按照所陳妥爲布置務即和衷商辦迅赴事機並將失守地方嚴飭各軍隊早日克復毋令再有蔓延 又諭電寄署四川總督趙爾豐端方電奏嘉平失守已電商趙爾豐迅撥得力軍隊節節進攻早日收復紘防本甚單薄當經電商李經羲將派駐滇界之蘇李二軍進紮筠連屏山之間爲紘聲援渝城防營節次調赴前敵湘軍一到即可填實渝防嘉紘喫緊正在川東上游鄂軍仍應由川東一帶進

發將來可一枝直達嘉定以搗中堅一枝迅赴成都以固根本
端方先督一隊隨行其餘軍隊須七八日踵至一經至渝即督
令星夜馳赴前敵等語自川亂事起屢經嚴飭趙爾豐督飭軍
隊迅速撲滅乃近日蔓延多處竟屢有被匪佔據城池之事雖
屬兵力單弱辦理究未得宜著該署督嚴飭各軍迅將失守地
方克復不得少有延緩現在各省援軍已陸續抵川務即與端
方和衷商辦按照所陳辦法妥爲布置總期早日廓清免致日
久糜爛 又諭電寄岑春煊據電奏在鄂水土不服請暫回上
海就醫等語著照所請 貝勒載洵奏遵旨前往

西陵履勘行樁地畝并酌帶隨員報聞 東三省總督趙爾巽等電
奏呼蘭綏化兩府地方初級審檢各廳現已成立報聞 癸丑
諭內閣內閣奏法制院留用調用人員請予留閣繕單呈覽一
摺著依議內閣奏內閣法制院有核訂全國法令之責加以修

正憲政籌備清單內所列各項或起草或覆核現就應辦事宜分四類官制官規議院法令爲一類各項法典律例爲一類行政法規及其他憲政籌備事項爲一類各項財政爲一類每類以參議領其事以參事分任之其庶務及文牘會計以僉事任之至憲政編查館原奏設之考核專科係專爲考核京外籌備憲政事宜原奏明纂辦之光緒政要亦與現經奏准飭各衙門纂輯行政法規相出入均應接續辦理參事重在編核法令自須用專門法政人才僉事亦宜慎選人員謹將前在憲政編查館當差留院辦事及酌調來院人員開單呈覽如蒙俞允再由臣等酌定額缺等第此次留院各員俟補缺改官後再開去原官原差從之 又諭理藩部奏清釐積弊以恤藩情一摺著依議理藩部奏內外蒙古爲國家屏翰在朝廷撫綏藩服之心有加無已而官吏奉行不善各藩積弊有亟宜湔除者數端一曰

採買戰馬各省向就蒙旗選購近年荒歉牲畜損傷馬難合格
先將各本旗台吉等官馬供應不足則向他部落重價購買送
委員揀選十分之五六餘均撥回另購又勒令將所欠馬額折
銀以償則承辦各員借端騷擾概可想見一曰台站差徭查各
站額設駝馬廩羊以資供應近來內地官吏及各路屬官其奉
並額設駝馬廩羊以資供應近來內地官吏及各路屬官其奉
差到旗者任意需索甚者折價貸現不滿慾壑復以威脅即祭
差及各項差徭亦不免此弊以致應差者嘖有煩言一曰供應
官署查各路衙門大小差役修署添物及新舊交替之鋪墊向
由所管各旗供應頗有假公濟私勒捐攤派情弊近惟庫倫大
臣三多奏定公費餘各衙門尙未議及聞西路各處陋規尤夥
遇有詞訟輒句結通事上下其手凡諸積弊均足爲猜嫌怨讟
之媒是以偶有設施動招疑懼即如臣部上年奏請變通舊例

將民人出邊墾地及漢蒙結婚通用漢字漢文等禁酌予刪除
乃據錫林郭勒盟長呈稱該盟旗地多沙岡土帶鹼性嚴寒冰
雪耕種則獲利無多且有礙牧放蒙古崇信佛法敬重喇嘛誓
不改變習俗不願學習漢語漢文及與言語不同之人結親等
情雖由各蒙風氣未開亦緣平日撫綏無術往往新例未行而
流弊已見朝廷縱有體恤蒙艱改良藩政之意而該藩等轉不
勝其驚恐臣等再三審度擬通行各路將軍都統大臣及沿邊
督撫將國家懷柔藩服力祛弊端之宗旨剴切宣布如有弊端
報明臣部指名嚴參務令從前因循隔閡之習逐漸轉移庶幾
將來經營布置之方較易措手從之 又諭端方等奏湖北境
內粵漢川漢鐵路遵旨收歸國有取銷商辦公司並議定接收
股款辦法一摺前因鐵路收歸國有曾經諭令督辦粵漢川漢
鐵路大臣會同各該省督撫將所有收款遵照五月二十一日

諭旨分別辦理茲據奏稱鄂路股款約分四項官招粵漢商股
川漢商股皆係實銀應即欽遵諭旨一律發給國家鐵路股票
不願附股者發還現銀其川漢彩票股與普通彩票不同早經
按戶換給股票逐次付息擬懇一併按照商股辦法給與分利
分紅股票至商招商股一項係零星勸集股東散處無從徧詢
擬由該省鐵路協會紳士自行清理先將股本一律退還其有
願附股者再行繳銀領票以清界限此外尙有賑糶捐一款擬
援湘省成案撥作地方公股官紳會商意見相同業於八月初
六日接收完竣等語該大臣等辦理接收事宜暨所擬辦法均
尙妥協湖廣總督瑞澂辦事明敏於此次路事尤能盡心籌畫
不負委任該省士紳復能仰體朝廷德意率先遵辦洵屬深明
大義著傳旨嘉獎該大臣等迅即會同度支部郵傳部按照籌
擬各節分別清理剋期開工以重交通要政又諭電寄湖廣

總督瑞澂等電奏選派巡防三隊先後開拔赴川等語著瑞澂
余誠格飭令參將陳斌生迅速督隊前進現在川省匪勢蔓延
務須剋期赴援毋得延緩派出之巡防三隊共有若干人如尙
不敷分布仍應酌量續撥以壯聲援 又諭電寄四川總督趙
爾豐據電奏統制官朱慶瀾由新津報告連日與匪隔河開仗
甚形棘手探聞邛州下路巡防第八營兵變營官慘遭槍斃該
匪襟山帶河形勢便利須有奇兵繞渡其背兩面合攻方能得
手又聞灌縣不守汶川縣署被毀川東各州縣多有請兵保護
等語該省匪勢日張近復有兵變及失守縣城情事誠恐曠日
持久爲患益深趙爾豐身任封疆責成綦重豈容任地方糜爛
日甚一日亟宜激勵將士勉以忠義將失守各地方早日克復
端方昨日電奏先帶一隊前進日內即可抵渝其餘軍隊七八
日亦可踵至著即會商該大臣統籌全局妥爲布置分路進剿

迅速撲滅所調湘軍已有旨飭令剋期赴援矣 東三省總督趙爾巽等奏自三省設立清理財政局後所有蒙務事宜經派員調查辦理至於征收蒙地大租以及田房稅契均由度支司於長春農安等處設清賦放荒總分局專理並於長嶺縣設蒙荒招墾處辦理蒙旗墾荒而省城蒙務處轉同虛設且該處本年預算亦經資政院議減自應將吉省蒙務處裁撤其未盡事業由旗務處附設蒙務一科賡續辦理報聞 貴州巡撫沈瑜慶奏酌擬黔省陸軍改良辦法查該標步隊成軍之始係就省城原有常備五營練軍裁汰編改不敷則由各州縣徵募足額雖曰新軍徒襲其名而已前撫臣龐鴻書將第一營淘汰在興義縣徵選土著以補其闕未幾假革逃亡營舍一空此外二三兩營品類甚雜其革逃在外者屢犯搶案適屆三年退伍之期亟圖補救素稔銅松思石各屬民情尙武爰派員赴各處就本

籍軍家子徵選合格編列成營另派管帶官訓練權名曰新徵步兵第一營其暫不歸入該標統轄者慮其傳染舊習耳若如部臣原奏令合併一標仍歸該標統帶官訓練恐徵兵復爲募兵所誘於新軍前途大有障礙擬請准予寬假時日權宜辦理俟該營操法純熟二三營退伍另徵一律完備再飭歸併成標以符原案下陸軍部議 甲寅諭內閣電寄湖廣總督瑞澂據電奏探知革黨潛匿武昌定期十九日夜間起事正飭防拏旋據齊耀珊電稱於漢口拏獲要匪劉耀璋一名起獲僞印僞示僞照會等多件遂與統制張彪等督派弁兵在省城內先後拏獲匪目匪黨三十二名並起獲軍火炸彈多件內有劉汝夔開槍拒捕楊宏勝私藏軍械彭楚藩語尤狂悖當將該三犯訊明正法等語該革匪在鄂創亂意圖大舉實屬目無法紀該督弭患初萌定亂俄頃辦理尙屬迅速在事文武亦皆奮勇可嘉除

劉汝夔三犯業經正法外其餘已獲各匪即著嚴行研鞫盡法懲治一面督飭地方文武嚴密查拏在逃各匪務獲究辦一面出示曉諭如有被脅勉從者准其首悔自新失察之巡警及地方文武既經隨同協拏出力均從寬免其置議在事出力各員並准擇尤酌保毋許冒濫 又諭電寄雲貴總督李經羲據電奏遵旨調營赴邊堵截竄匪等語知道了仍著該督認真防範堵剿毋稍疏虞 外務部奏向章墨祕等國以駐美使臣兼充日葡等國以駐法使臣兼充現墨祕交涉日多必需專派駐使古巴一國距美僅一日海程仍應由駐美使臣兼轄至日國東北與法接壤西與葡鄰法葡則有海程之隔今擬日葡兩國共派駐使一人即於日京設立使館至南美中之與我立約有年而尙未設使者厥惟巴西由法南行至巴海程三日可達擬即以駐法使臣兼轄瑞典甫於宣統元年與我訂約亦深盼我早

日設使其國北與俄界最近又丹馬與我通商已久其國北與瑞典毘連南距荷蘭航路瞬息可達擬以駐俄使臣兼轄瑞典駐荷使臣兼轄丹馬不必專設分館以上情形或經各駐使議及或早由彼政府聲請體察情勢誠有不得不酌量增改者從之 又奏墨祕日三國各設二等公使每館設三等參贊一員向兼領事者日館設二等通譯二等書記各一員墨祕二館各設二等通譯三等書記各一員葡分館設三等參贊一員仍兼代辦三等通譯一員均作爲額缺報聞 賞直隸法政學堂教員日本甲斐一之等上海濬浦局總營造和蘭奈格寶星 又諭電寄兩江總督張人駿等頃據瑞澂電奏兵匪句結爲亂武昌失守長江一帶最關重要現在人心浮動伏莽甚多又值連年荐饑災民徧野殊屬可慮亟宜嚴防句結響應著張人駿程德全朱家寶馮汝駉加意防範毋稍疏虞海外革黨密布內地

到處煽惑潛謀不軌並著各省督撫隨時嚴密偵防免生事端以顧大局而弭隱患將此電諭各該督撫知之 又諭電寄直隸總督陳夔龍等湖北兵匪句結爲亂省城失守京漢鐵路爲轉運機關至爲重要著陳夔龍寶棻瑞澂加派軍隊認真保護所有橋梁山洞尤須加意防守毋稍疏虞其黃河鐵橋除已飭陸軍部派兵一營保護外著寶棻再專派得力兵隊分駐兩岸晝夜梭巡如該省兵隊不敷分布准其酌量添募所需軍械或由北洋借撥或向陸軍部請領該撫迅即妥籌辦理 又諭電寄四川總督趙爾豐據電奏近日官軍擊匪情形並各處匪勢蔓延小川北空虛堪慮已電商鄂督將駐施南一標酌量調撥以期布置周密等語頃據瑞澂電奏現駐湖北工程營輜重營句結革黨爲亂省城失守鄂亂初起施南一標似難再行調撥當此匪勢鴟張亟宜嚴防句結響應該署督務須出以鎮靜壹

意堅持將現有兵隊加意激勵妥爲布置穩慎進攻俟黔湘軍到即分途剿辦早靖匪氛 又諭電寄閩浙總督松壽據電奏閩省防地遼闊兵力單薄懇將防軍預算概免裁減等語著照所請 又諭電寄代理川滇邊務大臣補用道傅嵩炆據電奏川邊郵電毀阻文報不通邊地數千里只有衛隊二百防軍二百餘名難資彈壓鑪庫重要又須保護且謠傳川路讓與外人蠻民驚恐等語邊藏地廣兵單准其酌量添募營隊以資防護並將此次鐵路收爲國有政策係朝廷體恤民艱並非將路讓與外人剴切明白宣示早釋羣疑王人文一時未能到任所有川邊事宜著就近會商聯豫妥慎籌畫毋稍疏忽 以捐田贖族賞給前雲貴總督劉長佑等御書匾額 丙辰諭內閣瑞澂兩次電奏兵匪構變始末情形各等語張彪督練鄂軍已歷多年竟致兵匪勾結省城不守可見其平日訓練無方而事前既

毫無防範臨時復漫無節制不能固結軍心竟敢倉皇棄營逃
出實屬大干軍紀罪無可逭統制官提督張彪著即行革職並
著瑞澂責令迅速痛剿逆匪克復省城所有被脅兵士如非甘
心從逆即行設法收撫倘再畏葸觀望定當加等治罪現在廕
昌所帶兵隊已於今日專車陸續進發到鄂後即著瑞澂會同
籌畫迅赴事機所請飭部籌撥餉項一節著度支部迅速籌撥
又諭據貝勒載濤奏稱本年秋操所調各項軍隊之軍鎮協
自行演習業經辦竣現在抽調軍隊赴鄂所有大操可否停辦
等語本年大操著即停辦 又諭電寄東三省總督趙爾巽兩
次電奏均悉湖北省城失陷昨已有旨派廕昌督帶重兵迅速
前往剿辦並飭陳夔龍寶棻等添派兵隊保護鐵路至由奉赴
川道路修阻緩不濟急趙爾巽所擬由奉調撥三營之處著暫
行緩議秋操已飭令停辦矣奉省爲根本重地該督務當即速

回奉妥慎防維毋稍疏忽 又諭電寄兩江總督張人駿據電奏鄂亂事起倉猝江南地處下游向多伏莽竊發堪虞皖贛逼近鄂疆兵備均甚空虛非緩急有備實難肆應且飢民載道更應速爲撫遣在在需款亟宜設法寬籌請准照前奏由寧先行息借洋款五百萬兩等語著照所請 又諭電寄河南巡撫寶棻電奏悉武昌失守昨已有旨派陸軍兩鎮赴鄂勦辦派蔭昌督兵迅速前往一面加派兵輪飭薩鎮冰督率前進並飭程允和率長江水師赴援長江一帶嚴飭各該省督撫加意防範並飭陸軍部派兵一營保護黃河鐵橋並著該撫專派得力兵隊分駐兩岸晝夜梭巡現在事機萬緊所派兵隊已由今日陸續專車前進該撫即按照所陳辦法移緩就急抽調大隊保護京漢鐵路暨入豫鐵路首站毋稍疏虞河南尤須加意戒嚴以防北竄駐京漢鐵道鄂軍一營已密飭蔭昌節制調遣 又諭電

寄湖南巡撫余誠格據電奏鄂督急電請援已派巡防兩隊附輪前往惟湘省亦須自顧請添募營隊及暫設營務處等語著准其添募營隊 又諭電寄貴州巡撫沈瑜慶據電奏貴州山深路僻地便藏奸防營萬難再裁綠營只可分年遞減等語所有防營著暫緩裁減其綠營官兵應如何裁減之處著陸軍部議奏 又諭電寄庫倫辦事大臣三多等電奏請將前商卓特巴巴特瑪多爾濟賞補原缺以重責成等語著照所請 度支部奏國家財政有官業一門東西各國無不極意經營_臣等酌擬調查官有產業簡章十條第一條官有產業之種類一官地指旗學屯衛牧營地及荒地漲灘葦塘二官房指衙署局所及歸官房屋三存款第二條官業資本之種類一銀行銀錢號二造紙印刷局廠三礦墾務及山林四鹽務官運五工業製造局廠試驗場陳列所各資本六其他各項股本第三條調查之方

法一官地坐落何處畝數租課時價若干官房坐落何處間數租金時價若干並存款生息之存放何處息金若干二官業資本數目及領款年月並如何籌還已未籌還實盈實虧如另有公積金爲公家所應得者當一併開列三礦務墾務及山林等除收資本開列外應將礦務開採人數機器用法墾務承領花戶應得租價並山林買收增殖方法一一開列第四條凡第一二條所列調查事件除照表式填明外如有應行變通之處由各該省自行填列第五條本章程自公布實行之日起近省限四個月遠省六個月一律查明編表送部第六條各省應行調查事件自奉到部文日起分別遠近限期通飭各署局所一律編齊第七條各省應行調查事件如於預算冊上未經開列者概應據實查報第八條如預算冊上已分別國家地方開列者應於表上逐項注明第九條各署局所官員如有漏報隱匿

不實者查出嚴究第十條官地必須詳細調查者得聲敘展限從之 御史陳善同奏今者武昌失守臣思武昌居南北東西水路之衝爲我國心腹要地而又內地精華之所聚也設若爲賊所據不獨斷我軍西進之路即京漢粵漢交通亦將因而中梗因循愈久即蔓延愈多此可慮者一武漢有警川中亂民勢必遙爲聲援凶燄益張各處匪徒更難保不聞風響應此可慮者二入川鄂軍迴顧身家中途或虞譁歸其鄂中未叛各營狐兔同悲亦不無反戈之懼合以謀我患更加烈此可慮者三陸軍兩鎮既調赴鄂則駐紮之原處武備亦形單弱此可慮者四各軍訓練無論若何但素無閱歷以禦亡命之黨非必可恃且素號精練之鄂軍固已如此其他又豈盡可用此可慮者五外人軍艦託名保商游弋長江者所在皆是乘機攫利自在意中武漢爲通商大埠教堂林立洋商麇集保護稍有疏虞即不免

予外人以藉口之資此可慮者六以上六可慮皆事前所應計
畫者下軍諮府陸軍部知之 御史德壽奏京師名臣祠宇日
見圯頽而旌勇褒忠二祠尤甚亟宜修葺保存以勵忠藎下民
政部知之 順天府奏請飭晉豫兩省糧運弛禁從之 丁巳
世宗憲皇帝忌辰

上詣

壽皇殿行禮遣官祭

秦陵 諭內閣湖廣總督著袁世凱補授並督辦勦撫事宜四川總
督著岑春煊補授並督辦勦撫事宜均著迅速赴任毋庸來京
陛見該督等世受國恩當此事機緊迫自當力顧大局勉任其
難毋得固辭以副委任俟袁世凱岑春煊到任後瑞澂趙爾豐
再行交卸 又諭袁世凱現簡授湖廣總督所有該省軍隊暨
各路援軍均歸該督節制調遣廕昌薩鎮冰所帶水陸各軍並

著袁世凱會同調遣迅赴事機以期早日戡定 又諭岑春煊現簡授四川總督所有該省軍隊暨各路援軍均歸該督節制調遣 又諭現在派兵赴鄂亟應編配成軍著將陸軍第四鎮暨混成第三協混成第十一協編爲第一軍已派蔭昌督率赴鄂其陸軍第五鎮暨混成第五協混成第三十九協著編爲第二軍派馮國璋督率迅速籌備聽候調遣至京師地方重要亟應認真彈壓著將禁衛軍暨陸軍第一鎮編爲第三軍派貝勒載濤督率駐守近畿專司巡護該貝勒務當妥慎籌備加意防維毋稍疎虞 又諭電寄直隸總督陳夔龍據電奏派撥得力軍隊將境內軌道鐵橋山洞分段梭巡並密飭各營統帶及巡警道派員偵探於保定天津車站設法偵察等語著即督率文武各官嚴密防範毋稍疏忽 又電奏直境接連豫省分守鐵路橋梁軌道及防衛畿疆情形重要請飭調奉駐紮准軍後路

王懷慶所部各營開拔回省等語著趙爾巽飭王懷慶率帶所部刻日開拔回直 又諭電寄兩廣總督張鳴岐據電奏鄂亂既成粵省必大受影響現已密飭軍警加意防範惟匪蹤徧地迭次添募防營均陸續派往各屬分投剿捕省城現有兵力仍屬單薄不敷分布請再添募數營並於應解京部各款酌量截留等語著准其再添數營以資防守至所請截留京餉一節著度支部議奏尋奏京餉關係大局所請酌量截留之處礙難照准從之 又諭電寄廣西巡撫沈秉堃據電奏桂省逼處邊陲防務緊要軍費礙難裁減請將預算防營經常臨時等費均照原列之數列冊以資防衛等語著度支部知道 又諭電寄湖南巡撫余誠格據電奏請照部議所有巡防各軍暫另設營務處等語著照所請 又電奏請在辰沅省會一帶添募巡防營四隊接應援軍補密邊防並請飭部立案等語昨已有旨准

其添募營隊 又諭電寄江西巡撫馮汝駉據電奏派兵赴鄂
助援暨江防布置情形等語籌畫尙屬周妥九江爲贛省門戶
仍著該撫督飭實力彈壓偵察巡緝各路礮台尤宜加意防範
毋稍疏忽 又諭電寄外務部尙書梁敦彥電奏奧王贈給頭
等鐵冕寶星可否收佩等語著准其收佩 江蘇巡撫程德全
奏蘇省近年生計日艱莠民所在多有猝遇歲饑易被煽惑亦
間有不肖紳董積怨鄉里每因小故致起亂機兩月以來風潮
迭起當時一面請帑施賑一面請予格殺現飢民既就撫莠民
亦解散當大舉治河以工代賑惟工鉅款絀現擬於第二次恩
帑銀二十萬兩商明兩江督臣寧蘇各半其一半之十萬兩除
趕放急賑外有餘即爲開治河道之用一面再行籌捐或分年
帶徵如果不敷查看情形請旨辦理報聞 綏遠城將軍瑩岫
奏體察墾務情形遵籌收束查察哈爾左翼墾務至光緒三十

三年三月底收竣因地隸直境奏明將民戶尾欠押荒即飭張
獨多各廳經征解由直隸總督造銷在案至右翼墾務係山西
豐寧興陶四廳管轄迄今民欠押荒尙二十三萬餘兩今秋可
望豐收催收押荒可期踴躍惟西墾民貧地瘠如伊克昭盟七
旗準噶爾鄂托克扎薩克郡王旗烏審等旗地雖先後放竣而
升科歲租均未造報杭錦旗尙有未放之地非開通渠道無人
認領奈公款支絀且亟圖收束故歷辦墾務者屢議改照旱地
減價招放期於竣事達拉特旗本係租地與別旗報墾者不同
且地質膠泥必賴渠水浸溉在創辦之初後套全恃客民租種
視地質以定租價故修渠悉歸公家歲需鉅款得不償失於是
有改辦水租之議惟既覈減租價僅將枝子各渠歸民戶承修
幹渠仍由官辦似非得計臣察從前短租之弊任民擇地租種
一年一易至渠道之淤塞與地戶無關故地畝愈種愈少渠道

愈修愈艱若改辦永租本爲收束起見必須通盤籌議核計近年墾地收租約二千頃左右擬即按此數試辦分段選舉地戶酌定年限彙總認租使民視爲恆產並擬將租價核減幹枝各渠悉歸地戶修理此後民辦有效墾局即可裁撤由地方官收租佃賦減輕責令地戶每年秋後計畝交租是公家有常年進款農民可樂業安心他如烏蘭察布六旗烏拉中西兩公及茂明安旗均有放而未盡之地今已飭局趕放烏拉東公並達爾罕旗地雖放竣尙未奏結四子王旗地夙稱荒瘠雖曰放竣實則押荒全數拖欠地畝大半荒蕪茲查該處上年被旱成災不得不緩征租賦以順輿情報聞 戊午諭內閣王人文著撤去侍郎銜開去川滇邊務大臣趙爾豐著仍充川滇邊務大臣四川總督岑春煊未到任以前所有川中勦撫事宜仍著趙爾豐懍遵迭次諭旨督飭各軍迅速辦理不得意存諉卸致誤事機

又諭現在武昌不守除瑞澂張彪業經降旨外其同城各官據瑞澂奏報布政使連甲提學使王壽彭交涉使施炳燮巡警道王履康均已微服出城提法使馬吉樟勸業道高松如鹽法道黃祖徽尙無的耗等語所有湖北省城大小文武各官是否全行出城抑有他項情形著袁世凱迅速分別確切查明據實具奏 又諭電寄東三省總督趙爾巽電奏悉昨已有旨准將王懷慶調回直隸茲據奏稱准軍駐紮奉江兩省防綫遼濶緊要驟然調動恐民間驚擾懇予緩調等語著電商陳夔龍酌量緩急妥籌辦理 又諭電寄河南巡撫寶棻等電奏悉所陳保護鐵路並調營援鄂及豫省現在籌防情形尙屬周妥至需用槍械請飭源源接濟一節著陸軍部北洋大臣隨時妥籌接濟 又諭寶棻電奏湖北官錢局鈔票流行豫省昨得武昌警報商民紛紛取現司庫存款軍用甚急萬無餘力兼顧請飭度支

部郵傳部暫令大清交通各分銀行將現在豫省行用湖北官錢局各鈔票設法擔任兌匯等語著度支部郵傳部分別酌核辦理以維市面而安人心 又諭電寄甘肅新疆巡撫袁大化據電奏現在武昌失守宜派近畿可靠軍隊水陸南下順火車直抵漢口先顧北路乘輪船直入長江要害等語所籌甚是現已有旨派陸軍大臣蔭昌督兵南下由海軍部加派兵輪飭薩鎮冰督率前進並飭程允和率長江水師即日赴援矣 又諭電寄山東巡撫孫寶琦據電奏東省幅員遼濶防營零星散布實屬單薄萊陽逆首曲士文未獲句引鬚匪均屬可慮請暫添巡防馬隊一營步隊三營派紮各邑第五鎮軍隊在東如遇緊急之事必當立時調撥以備不虞等語著照所請暫添巡防馬隊一營步隊三營該撫即妥爲布置嚴密偵防曲士文久經漏網務飭早日緝獲免致句結爲患至駐東軍隊暫歸該撫節制

隨時調撥一節著軍諮府陸軍部酌核辦理 又諭電寄署荊州將軍連魁等連魁松鶴電奏悉荊州一帶地方重要該署將軍等務須督飭營隊加意嚴防毋得藉口兵單稍涉諉卸 停奉天本年例貢 己未諭內閣電寄新授四川總督岑春煊據電奏由鄂抵滬病益加劇請另簡賢員督師入川等語現在鄂亂方急川事更緊該督秉性忠誠威望素著當此危急之時尤當念朝廷倚任之殷川人盼望之切勉任其難力顧大局著即力疾束裝就道毋再固辭前調粵兵兩營著仍督率入川 又諭電寄已革湖廣總督瑞澂聞匪黨有攻打劉家廟江岸使我兵車難於起卸之說著瑞澂會同薩鎮冰速派水陸軍隊嚴爲防堵以便兵車到漢起卸無礙毋稍疏虞 又諭電寄東三省總督趙爾巽電奏星馳到奉軍民安堵仍加意防維等語知道了 又諭電寄直隸總督陳夔龍據電奏適值鄂省兵事人心

不靖亟宜注重籌防所有裁撤綠營之期請展緩三個月再行分別酌核辦理等語著照所請 又電奏直境軍隊不敷分布擬添募巡防隊二十營所有餉項督飭司道先爲設法騰挪再行奏撥立案並請暫留新授甘肅提督張懷芝迅速招募統率訓練等語著照所請 又諭電寄督辦粵漢川漢鐵路大臣端方據電奏行抵重慶據朱軍徐軍電報與匪接仗各情形黔軍現已到敘擬令朱軍由犍規嘉黔軍由敘規犍徐軍復由瀘顧敘力爭上游以固下游門戶並設法保護犍爲縣屬鹽場等語所籌甚屬周密現因武昌事起川事益形吃緊已有旨簡授岑春煊爲四川總督趙爾豐仍充川滇邊務大臣岑春煊未到任以前所有勦撫事宜仍責成該大臣會同趙爾豐認真籌辦督飭各路軍隊迅速進攻剋期撲滅毋得稍有鬆懈致誤事機 又諭電寄兩江總督張人駿據電奏長江一帶伏莽素多灾荒

之後飢民徧地保護防勦在在均需兵力寧省巡防隊平時僅敷分防有事實難調遣擬請照從前湘軍營制每營五百人添招十營按月給餉已會商蘇撫設法共籌先行挪撥等語現在鄂亂方殷江南爲長江下游地方尤關重要准其添招巡防營十營江南提督張勳現正會辦江防著該督即飭令該提督迅速招募成軍由該提督統帶訓練扼要分布以資鎮懾仍著該督相機調遣加意防維綏靖地方 又諭電寄張人駿等據電奏派員馳往青島提解革道蔡乃煌已先期逃遁並鈔案咨呈外務部宣布各國等語著張人駿程德全仍飭屬嚴密查緝 又諭電寄陝甘總督長庚據電奏甘省境域遼闊種族繁多匪警時聞伏莽徧地前已派總兵羅平安挑募馬步三營現擬再添練得力防軍數營遴將管帶藉資鎮懾等語著照所請 又諭電寄浙江巡撫增韞據電奏浙省地屬海疆土匪私梟素稱

猖獗今年水災徧地匪徒不時蠢動各路防營分頭拏辦實已
不敷調遣現在鄂變又起沿江戒嚴擬暫添募陸師巡防隊以
資鎮懾等語著照所請 又諭電寄閩浙總督松壽據電奏請
飭催漳州鎮總兵郭殿邦迅速赴任等語著陸軍部飭催郭殿
邦迅速赴任 又諭電寄河南巡撫寶棻據電奏豫南處處與
鄂省相接添募營隊保護鐵路置造軍需屯積糧食以及運兵
車馬川資等項需款甚鉅轉瞬大兵南下軍用諸品爲數較多
豫省財政支絀請飭度支大臣移緩就急隨時接濟並請將本
省應解應協各款概從寬緩挪作軍用等語著度支部迅速設
法接濟以應急需 又諭電寄外務部尙書梁敦彥現在時事
孔亟交涉尤爲重要梁敦彥到德俄兩國後即先迅速回京供
職 資政院奏恭報資政院召集情形遵章奏請開會報聞

內閣印鑄局局長陸宗輿奏武漢事起京城市面搖動請飭度

支部將大清交通銀行與各省官辦銀行之紙鈔均由部庫及
省庫擔任償還悉令民間作法幣通用鋪戶買賣不准不納暫
時民間持票取現洋者以二十元爲限以杜大宗現幣之外流
而仍便小民之利用惟須速定各省官鈔簡易匯兌之法俾彼
此均得通用民間自無支取現洋之必要一面仍令各官銀行
籌足準備而現銀應如何支取之法亦宜酌定章程得旨著度
支部按照所陳迅速察核妥擬辦法具奏 順天府奏畿輔重
地防範宜嚴擬添馬巡隊步巡隊各一百名號順天府偵緝隊
在長辛店豐台通州等處車站巡防以兩月爲限 又奏請賞
撥京倉米三萬石設局平糴以濟民食均報聞 以度支部右
參議晏安瀾爲鹽政院鹽政丞度支部主事張茂烟署總務廳
廳長周蘊華署參議吳晉夔署南鹽廳廳長雷多壽署北鹽廳
廳長 派前廣西兵備處總辦蔡鏗充陸軍第三十七協統領

官陸軍步隊第七十四標統帶官曲同豐充陸軍第三十八協
統領官均賞給陸軍協都統銜 賞朝陽安定西直等門粥廠
藍靛粥廠資善堂煖廠同仁粥廠廣仁堂敬節會善堂米石有
差已改設教養局習藝所之王恕園仍照舊賞給 庚申諭內
閣此次革黨在鄂肇亂瑞澂張彪倉皇出走省城遂陷漢陽漢
口相繼不保迭據瑞澂電奏語涉含糊與傳聞情形大不相同
究竟如何起事駐鄂陸軍營隊衆多未必全與匪通何至無一
用命者張彪當時曾否率軍拒敵何以曾不移時遂相率棄城
而遁漢陽兵工等廠如何失守著袁世凱到鄂後將瑞澂張彪
失陷省城及一切實在情形確切詳細查明具奏毋得稍有徇
隱將此諭令知之 又諭電寄兩廣總督張人駿據電奏鄂省
變亂裕寧官錢局大受影響持票兌現者紛至沓來應接不暇
寧省造幣分廠尙有造成新幣一百餘萬請飭度支部飛飭該

分廠盡數撥交大清交通二分行及裕寧總局以備應付鈔票
行用等語著度支部迅速酌核辦理 又諭電寄兩廣總督張
鳴岐據電奏粵省財政奇絀請將應支公費首先減半開支並
請責成各司道將一切行政事宜通盤籌畫等語辦理各項要
政本有先後次第現在軍務倥傯財政孔棘需款甚繁不得不
審度財力移緩就急所有該省一切行政經費著該督分別緩
急酌核奏明辦理 又諭電寄暫署四川總督趙爾豐三次電
奏均悉據報連日勦辦情形並克復新津各節辦理似尙得手
邛雅一帶匪勢尙盛並有知州德龍被戕情事現在武昌失守
鄂軍難再調撥陝西路遠亦屬緩不濟急仍著趙爾豐督飭各
軍就現有兵力妥速進攻毋稍疏懈並將被戕之邛州知州德
龍死事情形查明奏報又聞犍爲聚匪萬餘圍攻朱軍萬分危
急敘州亦異常吃緊川東礮隊防軍如能抽撥迅速赴援庶免

疏虞並著安速籌辦 又諭電寄廣西巡撫沈秉堃據電奏桂省梧州龍州爲全省咽喉密飭文武各員分別嚴防等語布置尙屬妥協至條陳各節不爲無見前經分別辦理矣 又諭電寄安徽巡撫朱家寶據電奏湖北有變皖實首當之衝水陸各軍不敷分布擬請添募防勇五營填紮各屬惟添兵設防需款甚鉅擬請將本年未解京餉等項及未解代解賠款一併截留但各款現尙虛懸目下待用孔亟請先由部撥現銀五十萬兩由上海大清銀行迅匯來皖等語著准其添募五營所請截留京餉賠款等項著度支部迅速議奏至添撥兵輪駐泊九江並請將原駐安慶大通蕪湖各兵輪暫歸調遣各節著海軍部知道尋奏截留京餉洋款及部撥現銀各節均難照准擬於江南息借洋款項下酌量分撥濟用從之 又諭電寄山東巡撫孫寶琦據電奏五鎮分調京鄂東省爲京畿門戶必賴重兵鎮壓

請酌留一半等語著軍諮府陸軍部酌核辦理至所請添巡防
十營期厚兵力之處著照所請 又諭電寄署陝西巡撫錢能
訓據電奏鄂省變起倉猝陝省交界要隘亟應防範惟兵力單
簡不敷分布現擬招募馬步防營八隊剋日編練於舊有防營
互調換防選擇精勁之師填紮興安商州一帶以固門戶并選
派記名提督開缺曹州鎮總兵萬本華統率全省馬步防營至
應需兵餉即在土稅項下核實支用作正開銷等語著照所請
又諭電寄江西巡撫馮汝駿據電奏援鄂兩營現飭駐潯認
眞防範並請飭派兵輪馳駐九江以資防守等語九江地方關
係重要所有派出兩營准其暫緩赴鄂請派兵輪一節著海軍
部知道 又諭電寄湖南巡撫余誠格據電奏湘防危迫籌款
尤難請將湘省應解京餉各省協餉練兵經費邊防經費順天
備荒經費京師大學堂經費鐵路經費鹽釐釐金等銀共四十

四萬餘兩一併緩解以資應用等語著度支部議奏尋奏暫准緩解十萬兩從之 又諭余誠格據電奏悉袁世凱前已有旨補授湖廣總督諭令迅速赴任矣至稱湖南防務吃緊請飭薩鎮冰統率兵輪扼駐金口上游以防上竄等語著海軍部知道 又諭余誠格電奏湖南昆連川鄂軍事方殷需員襄理請調江蘇在籍廣西道員馮應龍道員用卸署思恩府知府余炳忠分省道員楊介康湖南回籍副將王雲貴差委補用藉收臂助等語著照所請 又諭電寄崑源電奏鄂亂孔亟夢寐難安請負弩前驅赴援等語現在收政緊要崑源著毋庸赴鄂 給事中高潤生奏去年資政院開會伊始因新內閣未立各部大臣提出議案率皆以例行公事敷衍塞責致各議員紛紛陳請馴至指摘政府溢量要求並迭次質問軍機大臣該大臣等窘迫萬狀耽延推宕閉會之期已迫而豫算要案反以草草通過至

今不能確實成立現在會期又屆此次議員所亟思提爲議案者諒必以借款收路與親貴內閣爲三大問題借款一項臣於四月初十日曾奏請俟資政院開會之時將開支表冊即行交議並速立審計院俾與該院合而爲完全監督財政機關既以服國民之心且以杜外人之口收路一項定爲政策自難再議更張然亦須統籌全局妥商辦法總以不失信於民不巧取於民爲最要似不得任首發難端力護前過之一二大臣主張不恤人言專恃壓力一有激動相持不下反致無可轉圜川路已然可爲前鑒至親貴內閣一項用人大權本非臣民所應妄議惟具瞻所在似亦必兼採衆望不拘一格並明定責任與聯帶責任以屢服天下之心果使輔弼得人權衡至當事無可議想臣民當亦不敢多求請特飭總協理大臣與各國務大臣詳籌妥訂編成議案作爲政府提出之件於資政院開會之初即先

行交議令議員等從容議決 御史史履晉奏竊自鐵路國有
政策宣布以來全國譁然民心大失以致四川糜爛湖北遂乘
機起事趙爾豐之激變瑞澂之潛逃固罪無可逭而罪魁禍首
則實爲盛宣懷夫各省商辦鐵路爲世詬病授人以口實者約
居多半或款不足而先事鋪張竭小民之脂膏供箇人之揮霍
或款已集而互爭權利因私家之水火誤工事之進行而所舉
總理部中一奏之後遂諉卸責任絕不督催監察認真整頓此
其過豈盡在各省商辦之人哉乃盛宣懷昧於衆怒難犯專欲
難成之理欲快其獨攬利權調劑私人之計一旦發難未經閣
議遽將

先朝諭旨一概取銷所定接收給票之法又不一律以致人心憤激
大起風潮而猶不悔禍迫事變猝起復主持嚴辦一味壓制壓
力愈大反動力亦愈大革黨土匪遂乘隙煽惑釀成大亂盛宣

懷之肉豈足食乎爲今之計亟宜收拾民心變通辦法明諭全國凡各省商辦鐵路已開工者照常動工未開工者迅速趕造股款不足由國家補助而關於幹綫各路限三四年內一律造成不得延誤原舉總理有辦事不實衆望不服者撤換再舉不得瞻徇情面即以督辦大臣專任監督稽查之責不另派總辦提調等官以免多所耗費則民心大定亂事自己至釀禍之人如何懲處宜乾斷迅行 御史蕭丙炎奏近日大清總銀行及北京儲蓄銀行執票取銀者幾於給不暇給甚至取銀圓者則以銀折付取現金者仍以票交於是市面恐慌竟有不用該銀行紙幣之說謠言四起人心皇皇恐大亂之作必自此始矣爰就管見所及亟擬辦法四端兩銀行本爲度支部所統屬該銀行等發出紙幣若干外來存款若干原有現銀若干由該部核數多寡通盤籌備出示曉諭明告以行銀不足尙有部庫部庫

不足尙有內帑如是則償有著落通國皆知取無擁擠羣疑自
釋此_臣所謂維持信用者一也查外洋當用兵之時往往發行
不換紙幣以濟急需所謂不換紙幣者即永遠用此紙幣作爲
現銀不准持票兌銀者也現宜由度支部趕造不換紙幣以應
各處之軍需而補銀行之不足此_臣所謂維持信用者二也無
論如何支絀萬不能借外國之現銀以應付本國之紙幣如借
外債則外國之信用益重而本國之信用轉輕應由度支部認
真稽覈切實嚴禁此_臣所謂維持信用者三也京師地廣人衆
良莠不齊難保無匪徒藉端煽惑訛言流布阜白不分不惟大
清銀行受其影響各城銀號錢店亦皆被其實害連日倒閉錢
鋪不下一二十家而一切交易非現錢不行殊屬不成市面應
由民政部速行出示諭令各鋪戶照常使用銀票錢票此_臣所
謂維持信用者四也似於人心市面兩有裨益下度支部知之

又奏請飭禁止京中米石運往天津售賣下所司知之 辛酉諭內閣電寄湖廣總督袁世凱現在武昌漢口事機緊迫該督夙秉公忠勇於任事著即迅速調治力疾就道用副朝廷優加倚任之至意 又諭電寄新授四川總督岑春煊據電奏因疾再請開缺等語覽奏殊深廑系該督向來勇於任事現在川事緊急諒亦不忍漠視務即體念時艱振厲精神迅速起程稍釋朝廷西顧之憂毋得再行瀆請 又諭電寄督辦粵漢川漢鐵路大臣端方據電奏鄂軍自宜至涪歷經山僻險灘備嘗辛苦奮勇異常經過地方紀律嚴明恪守規則懇傳旨嘉獎以作士氣等語所有協統鄧承拔標統曾廣大管帶董海瀾李錦標以及標隊官排長日兵等均著傳旨嘉獎 又諭電寄兩江總督張人駿據電奏寧省現因鄂事鈔票失信請援照廣東成案添鑄舊制銀元由裕寧官銀錢局籌備現銀交江寧造幣廠即

日代爲附鑄隨時發用等語著度支部速議具奏尋奏應如所請從之 又諭電寄張人駿電奏悉江南防務吃緊所有餉械局巡防營務處均准暫照舊辦理 又諭電寄東三省總督趙爾巽據電奏奉省現幣缺乏不敷周轉請援前案開鑄舊小銀圓趕籌接濟等語著度支部速議具奏尋奏應如所請行從之 又諭電寄江寧將軍鐵良等鐵良張勳電奏均悉昨據張人駿電奏寧省巡防隊平時僅敷分防有事實難調集請照從前湘軍營制每營五百人添招十營按月給餉已經允准飭令張勳統率訓練如所添防營仍不敷分布著鐵良張人駿張勳會商再行酌量添募惟所需餉項必須預爲籌備方能濟用現值部庫支絀無款可撥並著由該督移緩就急設法籌措以應急需 又諭電寄湖南巡撫余誠格據電奏請將丁憂回籍貴州按察使王正雅留於湖南辦理軍務并將所派援蜀軍隊仍飭

回駐常德一帶扼要防守各等語著照所請 又諭電寄江西巡撫馮汝駿據電奏長江一帶洋輪暢行無阻革黨混入其中無從搜捕請飭外務部速與各國公使妥訂限制稽查各公司商輪章程等語著外務部迅速酌核辦理 又諭電寄黑龍江巡撫周樹模電奏各節均悉現在各省電報尙無阻隔除川鄂兩省外餘均安謐 又諭電寄山東巡撫孫寶琦據電奏昨電請酌留五鎮一半並添募巡防十營頃接軍諮府電五鎮不能酌留如東省兵力不敷仍可再行添練現擬請添募連前共招二十營等語著照所請 又諭電寄孫寶琦據電奏東省事機緊迫庫存現銀不敷備用擬向德華銀行借銀三百萬兩以一半撥入藩運兩庫一半撥給官銀號維持市面兼備緩急著度支部速議具奏尋奏募借外費事不獲已應請准其訂借從之 度支部奏試辦宣統四年全國預算查上年辦法雖具規模

而限於歷年習慣分省分省究與預算成法未盡相符本年改定相符本年改定入款以田賦鹽務等爲綱出款以外交民政財政軍政等爲綱計國家歲入銀二萬三千三百九十五萬六千六百五十五兩較宣統三年雖有短絀惟係無閏之年收少千萬而交通四政提歸特別會計者約四千萬土藥停捐賭餉議抵所短約千數百萬本年劃作地方歲入者又二千五百九十五萬五千八百七十五兩全國歲出銀二萬一千八百九十一萬九千五百九十兩較資政院核定宣統三年者雖有增加而以宣統四年國家歲入比較尙盈一千五百三萬七千六百五兩惟稅項既分則地方之虧短宜補擬撥助經費一千二百六十五萬四千八百十五兩事變無定則額外之支出宜籌擬提預備金六百萬兩二者併計虧三百六十一萬七千七百五十兩惟是上年資政院核定之數各省奏謂難於照減者少則

十數萬多則數百萬本年兵災迭見支出者既有賑款軍費之
增收入者將有蠲緩停減之例則規定歲入歲出亦難一成不
易將來實收實支仍須俟之決算以後此次附冊所列約四千
三百餘萬兩如司法軍政多係必不可少之數前此曾奏辦印
花稅又請將所得稅等交議但有可籌措之方臣等必當勉任
其難下內閣會議具奏 陝甘總督長庚奏甘省裁汰綠防各
營諸多窒礙查甘省北連朔漠西達新疆川藏毗連羌回雜處
西寧大通各處又與番地接壤往往構怨結仇互相殺傷更有
一種撒拉爾回族久隨番俗慣習盜賊邊外大小寺無數最易
藏奸番有生熟兩種生者最不易制此患之切於邊陲者也甘
省回民素多同治中投誠陝回又皆安插境內俗尚性情各異
兼以崇信宗教且有新教老教之分其初不過爭教其後每至
釀亂而漢人遭其荼毒漢回積恨未消每復尋衅爭訟此患之

伏於肘腋者也既有潛伏未形之患宜有戰守得力之兵陝省綠營今僅有馬步守兵一萬七千五百有奇各有防守城門堆撥倉庫關卡塘汛之責又有護解餉銀軍火人犯各差且多分列沿邊區域如安西威遠喇課鎮海哈拉庫圖爾貴德循化保安起台洮岷西固永安察罕俄博各營堡或三面臨番或四面皆番駐兵於番回撒拉之中非生長邊徼習其風土語言路逕熟悉馳騁驍健者斷難得力今若遽將制兵裁撤則應行防守之城堡關卡並番撤往來之各隘口必形空虛萬一番人負固恐裁之易而復之難即另募防勇填紮非惟水土不宜逃亡難免且綠營兵月餉銀九錢勇營三兩三錢以勇易兵亦不合算此裁綠營之難也防營爲軍興後留鎮地方之兵甘省舊六十年營旗哨現尙不敷原日之半且多分隸提鎮不設統領專官誠以提鎮各管地方有警易於呼應大而擒捕叛逆細而保護商

旅無不資防軍之力若又議裁猝然有警添調驟難應急此裁防營之難也甘省僻處西陲非有大枝勁旅居中坐鎮不足以應事變而各處會匪尤應有精卒勁騎分布各路以勦辦擒拏其在番撒錯居地方亦須有兵常川住守此就現在情勢應行籌備以資鎮守必不可少之兵也查上年陸軍部奏准裁綠營辦法內稱可以挑練之兵或改充巡防或改習警察或徵入陸軍又度支部咨覆試辦宣統三年預算亦稱甘省綠營自宣統三年酌量裁撤伏思陸軍徵兵之制必土著有家屬者方准驗收無如甘肅兵燹之餘民多亡散又連年荒歉故徵兵迄無人應各防營勇丁又多客籍今欲整頓軍隊惟兵家子弟尙可用甘肅自古爲邊塞戍守之地其子弟習於馬步槍箭各有家室罕聞逃逸性樸實勇敢多強壯耐勞在擬挑選二十五歲以下合格者遵章改充巡防隊無論裁官裁兵總須符合二成之數

其有駐紮沿邊要隘或在回區番境萬難裁撤者當由臣隨時具奏分別辦理至陝提所轄駐甘各標營每年餉項向由陝西撥銀十三萬八千餘兩解甘濟用今雖有裁汰之兵實無騰出之餉近經電商陝西撫臣允照舊批解以爲逐年遞改巡防隊餉款下部知之 壬戌諭內閣兩月以來四川湖北相繼肇亂均係匪黨潛謀不軌擾害治安朝廷向來政尙寬大凡屬國民無不一視同仁從無格外苛求之舉此次逆匪無端構煽據城抗拒蹂躪地方以致無辜良民橫遭塗炭其爲首作亂之人實屬罪大惡極自爲法所不容惟念迫於不得已之被脅兵民類皆情有可原不能不網開一面其有爲匪所逼身被裹脅者如早自拔來歸無論兵民均准予自新不咎既往儻有殺賊立功擒縛匪黨以獻者並加以不次之賞如搜獲逆黨名冊立即銷燬毋得稍事株連致滋擾累川鄂兩省被擾地方猝遭此變

固已荼毒不堪即賊匪未到之處亦不免風鶴頻驚致有遷避
流離之苦著廕昌袁世凱岑春煊端方沿途宣布朝廷德意妥
爲撫輯並剴切曉諭軍民人等勿爲邪說所誘隨聲附和勿爲
謠言所惑徒事張皇經此次申諭之後爾軍民人等當共曉然
於是非之所在即利害之所關務當各守本分以副朕靖亂愛
民之意 又諭陸軍部會奏遵議各省綠營巡防隊擬請一律
暫緩裁減一摺據稱裁減綠營巡防隊係顧全財政起見惟當
此時局艱危綠營巡防隊可以輔陸軍巡警所不及等語所有
宣統三年預算案內各省奏明礙難裁汰之綠營巡防隊均著
免其裁減並四年預算除直隸江贛等省仍照奏准各案辦理
外餘著一律暫免裁減 又諭袁世凱現已補授湖廣總督所
有長江一帶水陸各軍均著暫歸該督節制調遣會同沿江各
該督撫妥籌辦理 又諭電寄兩江總督張人駿等據電奏寧

省籌辦防營擬先行挪款訂購新式槍枝子彈並酌添軍服各件俾資籌備等語著照所請 又諭電寄張人駿據電奏裕寧官錢局交通銀行及商辦銀行錢店均以持票兌洋岌岌可危迫不得已飭造幣分廠先撥新幣五十萬元交裕甯總局交通分行應用以資補救等語著該衙門知道 又諭電寄四川總督趙爾豐電奏悉昨以陝省路遠兵單緩不濟急已有旨著該署督就現有兵力妥速進攻茲復奏稱川事危急請速飭陝軍來援等語陝軍本屬無多近甫奏請添兵究竟能否援川著錢能訓察度情形奏明辦理其川陝交界處所仍著該護撫督飭嚴防毋稍疏懈 又諭電寄伊犁將軍志銳據電奏伊犁新軍名實不符請先在新省挑募曾經戰事者百兵作爲衛隊帶往以示模範分配各隊以作勇氣等語著照所請 又諭電寄署荊州將軍連魁等據電奏沙市等處均係緊要酌撥常備馬步

練軍分途駐紮暨嚴守城垣並在小甲閒散內挑選精壯三營以實後路等語布置尙屬合宜仍著該署將軍等督飭認真防範毋稍鬆懈至籌防一切經費擬請在旗營存儲減平項下動支一節著照所請 廣西巡撫沈秉堃奏桂省擬設湘潭分銀行經度支部咨准設立廣西銀行原有資本金桂平花銀一百萬兩分配總分各行源源周轉此次添設湘潭分行仍以原定資本流通周轉不再加增遵照部電不另發行票紙以示限制下度支部知之 命荊州將軍壽耆留京當差實授連魁爲荊州將軍 以鄉舉重逢開復已革浙江諸暨縣知縣劉引之原官 以舞弊潛逃革裁缺吏部郎中鍾岳主事賴瑾職並緝辦予因公溺斃廣西試用同知溫泉卹蔭 癸亥諭內閣

監國攝政王面奉

隆裕皇太后懿旨近來南省迭被水災今年湖北又有匪黨作亂俯

念飢民難民流離蕩析深爲憫惻亟宜加恩賑撫現將

孝欽顯皇后所遺宮中內帑內撥銀二十萬兩由內務府發交袁世

凱派委妥員在湖北一帶核實賑濟以惠災民 又諭松壽電

奏據漳州道府等電稟本月初八日大雨連宵達旦至十二日

龍溪南靖兩縣河水陡漲沖決隄岸淤塞河道坍塌房屋淹斃

人口災情奇重民食維艱等語覽奏殊深憫惻加恩著賞給帑

銀二萬兩由度支部給發該督迅派妥員核實散放毋令失所

又諭瑞豐等奏倉儲支絀亟應先事妥籌並嚴禁江浙奸商

運米出洋以塞漏卮而重民食一摺著依議 又諭電寄督辦

粵漢川漢鐵路大臣端方據電奏據朱慶瀾電於十九日進攻

新津二十二日收復縣城餘匪潰走又據徐甫陳電王未追匪

至長寧老翁場格斃匪首馮煥廷槍斃匪徒奪獲軍械多件又

據川南道及敘州府電朱軍在犍與嘉定大股匪徒萬餘人相

持數日兩次獲勝軍氣一振等語此次官軍剿匪將士用命奮
勇異常署統制朱慶瀾道員徐甫陳副將朱登五著先行傳旨
嘉獎至所稱預備糧餉各節籌畫布置尙屬周妥仍著該大臣
迅速督隊前進毋誤事機 又諭電寄陸軍大臣蔭昌據電奏
督隊南下二十六日夜行抵信陽步隊第二十二標已由統帶
馬繼增於二十四日抵漢口江岸遇匪徒兩次來攻均經擊退
拏獲三名奪獲馬匹服裝等件混成第三協已由統領王占元
於本日統率全抵瀟口刻據探報逆匪仍據武漢尙無大股外
竄武昌城內叛兵潰散頗多擬刊布告示令其繳械免罪以期
解散行營現暫駐信陽俟混成第四鎮經過即督率剋日前進
等語布置尙合機宜均照所擬辦理仍著該大臣妥慎籌畫相
機勦撫以期迅蕩匪氛 又諭電寄東三省總督趙爾巽據電
奏省城空虛擬暫行先招馬步四營以期慎固省防營制餉章

照巡防營制辦理等語著照所請 又諭電寄兩江總督張人駿據電奏籌防緊要力疾銷假等語知道了 又諭電寄新疆巡撫袁大化據電奏遵照部電凡有不急之務切實酌停惟本地進款無幾即極力裁減亦萬難敷用以後凡經節省款項無論隸歸何部均請留歸本省以應急需等語著該衙門知道

又諭電寄河南巡撫寶棻據電奏赴鄂守路各軍紛紛厲集糧食接濟刻不可緩轉瞬大兵入鄂尤賴豫省爲後路轉輸本省兩年歉收存糧有限內地交通不便緩不濟急籌思再四山西收成尙豐山東亦無甚災荒一由正太鐵道直接京漢一取海道至津交由火車轉運亦均便利懇飭山西巡撫先行採購麥麩小米共二萬石山東巡撫先行採購麥麩大米共一萬石即日派員押解來豫交由寶棻接收備用日後如有缺乏仍當隨時電咨陸續採購所需糧價運費等項並請概准晉魯兩省作

正開支等語著照所請由陸鍾琦孫寶琦迅即購運接濟以應
急需 又諭電寄寶棻電奏悉近年海外革黨時有悖逆書函
郵寄內地煽惑人心所請飭下郵政大臣於入口大埠暨內地
各局遇有寄交各處學堂軍隊社會公函悉心檢查一節著郵
傳部知道 又諭電寄陸軍大臣蔭昌等余誠格電奏鄂省大
兵雲集須並用兜剿解散兩法否則武漢用兵得手勢窮四竄
湖南安徽江西立潰宜飭督兵大臣先將步濠東岸布置以杜
其竄湘竄贛漢陽西岸布置以杜其入皖入荆襄圖蜀豫再由
海軍上下游往來截擊以絕其水路逃竄連日偵得革匪死黨
固多脅從實亦不少時有棄械而逃者亦有意存觀望者須善
用間諜無論首要投誠免死武昌一下大局立定否則頓兵堅
城彼據形勢亦殊可危又緊接租界諸多牽掣並宜於火車附
近設立糧臺多購雜糧長江一帶水災失收湖南上游亦只薄

收且恐運道不通能否接濟殊無把握應請及早籌備等語所
陳不爲無見著蔭昌袁世凱岑春煊端方寶棻朱家寶馮汝駉
薩鎮冰分別妥慎籌辦 郵傳部奏京張鐵路兼辦鷄鳴山煤
礦歷年動支經費行化銀四十七萬餘兩擬請作爲該礦成本
俟出煤暢旺分籌拔本又玉帶八寶兩山實爲鷄鳴山後來補
助之要應俟該礦辦有成效隨時妥籌擴充從之 以恆齡署
荊州左翼副都統 賞福建候補知府謝啟華四品卿銜充山
西清理財政正監理官 甲子諭內閣電寄陸軍大臣蔭昌據
電奏設立行營司令處所遴員佐理及啟用關防日期等語知
道了請調之易迺謙何守仁丁士源惲寶惠楊葆元陳繼曾雷
炳焜存厚龔光昂張塋均准其調往現據瑞澂薩鎮冰電奏各
軍迎擊情形刻漢鎮事急該大臣務即迅籌布置妥速進攻並
著礮隊即日開赴前敵助剿毋少延誤 又諭電寄湖廣總督

袁世凱據電奏調委人員籌募新軍及與各省處往來公事擬先刊用木質關防以昭信守等語知道了 又電奏請在直隸山東河南等省招募壯丁一萬二千五百人照武衛左軍現行營制編集二十五營作爲湖北巡防軍並請飭度支部速撥的款四百萬兩以備撥支等語著照所請 又諭電寄袁世凱電奏悉籌畫一切均甚妥協副都統王士珍著襄辦湖北軍務所有增募新軍布置後路各事責成經理軍諮府正使副都統馮國璋著迅赴彰德籌商一切如必須第二軍往助再令迅回帶往或令各該統制帶往戰地相機辦理至請調之副都統銜開缺奉天度支使張錫鑾已革黑龍江民政使倪嗣沖直隸候補道段芝貴山東軍事參議官陸錦直隸補用副將張士鈺直隸候補知府袁乃寬均著准其調赴前敵差遣委用並著第四鎮統制官吳鳳嶺馳赴前敵現在軍情緊急該督務一面招集巡

防軍隊並飭所調各員迅速前往一面趕即料理先行起程以便就近妥籌調度早靖匪氛 又諭電寄四川總督岑春煊據電奏因病一時斷難就道薦賢自代等語朝廷特簡該督戡定川亂倚任甚專仍著趕速調治早日赴川以慰廑念開缺廣西提督丁槐著准其調往四川 又諭電寄已革湖廣總督瑞澂等瑞澂薩鎮冰電奏二十七日官軍與匪接仗劉家廟失而復得請速催蔭昌立即前來或派礮隊先至救援等語仍著激勵將士穩慎進攻嚴防暗襲已有旨飭蔭昌迅撥礮隊助剿矣 又諭電寄雲貴總督李經羲電奏悉滇邊關係緊要著即飭所派兵隊認真防守惟川省待援甚急如力能兼顧即酌量派撥數營趕速前進 又諭電寄東三省總督趙爾巽電奏悉現據錢能訓電奏陝省兵力過單添練防營招集稍稽時日俟布置粗定然後可圖赴援之舉此時實無餘力等語陝軍不能赴川

自係實情所請由奉省代募五營之處著准其代募設法開往
又諭電寄護理陝西巡撫錢能訓據電奏川亂未平理無坐
視前請添練防營八隊現在遵旨分途招募以冀剋日成軍一
俟布置粗定擇要填防兼圖赴援等語著趕緊招集編練並顧
兼籌 又諭電寄江西巡撫馮汝駿據電奏江西財政奇窘近
日商家競提存款民間爭兌現銀市面支空非現銀不能挽救
請飭部電滬分銀行先借二十萬兩來贛至贛省額解各款請
俟防務稍鬆再行照解惟賠款關繫國際應請飭部將九月應
解賠款十六萬零暫行代籌等語著度支部速議具奏又奏派
張檢督辦潯防事宜知道了九江地方關繫重要著即督飭認
眞防守預堵鄂匪下竄毋稍疏懈現在作戰兵艦需用煤米甚
急著該撫飭令九江道迅速採購源源接濟所有應需款項先
行酌籌墊辦 又諭電寄山東巡撫孫寶琦據電奏冬令籌辦

普賑需款甚鉅庫儲空虛無可支撥請仍照前請准在東省勸捐濟賑分別銀數獎給實官建坊等語著度支部議奏 引見北洋大學畢業生得旨胡振視李成章均著賞給進士出身並授職翰林院編修何炳麟著賞給進士出身並授職翰林院檢討張務滋蘇企由均著賞給進士出身改爲翰林院庶吉士張壽祺著賞給進士出身以主事分部儘先補用吳大業錢俊均著賞給同進士出身以知縣分省補用 又引見山西西學專齋畢業生得旨楊仁顯劉世勛郭顯虞潘連茹王迎祉楊朝相王縉雲王蓋臣溫承讓張宴林趙國佐許喆柴薦膺郭希汾張箎胡德豪均著賞給進士出身 實授王豐鎬爲浙江交涉使

大清宣統政紀卷三十九